



丹溪心法附餘卷之十一

火門

火四十三

附風熱

丹溪心法

○火陰虛火動難治 火鬱當發者何經 輕者可降重者則從其性而升之 寔火可瀉黃連解毒湯之類 虛火可補 小便降火最速 凡氣有餘便是火不足者是氣虛 火急甚重者必緩之以生甘草煎瀉兼緩參朮亦可 人壯氣實火盛顛狂者可用正治或硝黃冰水之類 人虛火盛狂者以生薑湯與之若投冰水正治立死有補陰即火自降炒黃柏生地黃之類 凡火盛者不可驟用涼藥必兼溫散有可發者二風寒外來者可發鬱火可發氣從腳下起入腹如火者乃虛之極也 氣從左邊起者乃肝火也 氣從臍下起者乃陰火也 蓋火起於九泉之下多死一法用附子末津調塞湧泉穴以四物湯加降火藥服之妙 陰虛証本難治用四物湯加炒黃柏降火補陰 龜板補陰乃陰中之至陰也 四物加白馬脰骨降陰中火可代黃連黃芩黃連黃芩梔子大黃黃柏降火非陰中之火不可用 生甘草緩火邪木通下行瀉小腸火 人中白瀉肝火須風露中二三年者 人中黃大涼治疫病須多年者佳中氣不足者味用甘寒 山梔子仁大能降火從小便泄去其性能屈曲下降人所不知亦能治痞塊中火邪

入方

左金丸 治肝火 一名回令丸

黃連 六兩 吳茱萸 一兩 或半兩

右為末水丸或蒸餅丸白湯下五十九

足

火門

劉宗厚曰火之為病其害甚大其變甚速其勢甚彰其死甚暴何者蓋能燔灼焚燭飛走狂越消鏤於物莫能禦之遊行乎三焦虛寔之兩途曰君火也猶人火也曰相火也猶龍火也火性不妄動能不違於道常以稟位聽命運行造化生存之機矣夫人在氣交之中多動少靜欲不妄動其可得乎故凡動者皆屬火化火一妄行元氣受傷勢不兩立偏勝則病移害他經事非細故動之極也病則死矣經所謂一水不勝二火之火出於天造君相之外又有厥陽臟腑之火根於五志之內六欲七情激之其火隨起蓋大怒則火起於肝醉飽則火起於胃房勞則火起於腎悲哀動中則火起於肺心為君主自焚則死矣丹溪又啓火出五臟主病曰諸風掉眩屬肝火動之類經所謂一水不勝五火之火出自人為又考內經病機一十九條內舉屬火者五諸熱瞽瘈皆屬於火之類而河間又廣其說火之致病者甚多深契內經之旨曰諸病喘嘔吐酸暴注下迫轉筋小便渾濁腹脹大鼓之有聲如鼓癰疽瘍疹瘰氣結核吐下霍亂瞽瞍腫脹鼻塞翕衄血溢血泄淋悶身熱惡寒戰慄驚惑悲笑謔妄衄蟻血汚此皆少陰君火之熱乃真心小腸之氣所為也若瞽瘈暴昏冒昧操擾狂越罵詈驚駭肘腫疼酸氣逆衝上禁慄如喪神守噎嘔瘡瘍喉痺耳鳴及聾嘔滿溢食不下目昧不明暴 睵瘈暴病暴死此皆少陽相火之熱乃心包絡三焦之氣所為也是皆火之變見為諸病也為脉虛則浮大實則洪數藥之所主各因其屬君火者心火也可以溫服可以水滅可以直折惟黃連之屬可以制之相火者龍火也不可以水溫折之從其性而伏之惟黃柏之屬可以降之噫瀉火之法豈止如此虛寔多端不可不察臟司之黃連瀉心火黃芩瀉肺火芍藥瀉脾火柴胡瀉肝火知母瀉腎火此皆發寒之味能瀉有餘之火耳若飲食勞倦內傷元氣火不兩立為陽虛之病以甘溫之劑除之如黃芪人參甘草之屬若陰微陽強相火熾盛以乘

陰位曰漸煎熬為血虛之病以甘寒之劑降之如當歸地黃之屬若心火亢極鬱熱內寔為陽強之病以鹹冷之劑折之如大黃朴硝之屬若腎水受傷真陰失守無根之火為陰虛之病以壯水之劑制之如生地黃玄參之屬若右腎命門火衰為陽脫之病以溫熱之劑濟之如附子乾姜之屬若胃虛過食冷物抑遏陽氣於脾土為火鬱之病以升散之劑發之如升麻葛根之屬不明諸此之類而來火之為病施治何所依據故於諸經集畧其說備處方之用庶免寔寔虛虛之禍也

附脉理
脉理提綱曰火脉洪數虛則浮

附諸方

九味羌活湯 治春夏秋非時感冒風寒發熱惡寒頭疼項強或無汗或有汗以代桂枝麻黃青龍各半湯治太陽經表熱之神藥也此湯非獨治四時風寒春可治溫夏可治熱秋可治溼治雜証亦有神也

六神通解散 治時行三月謂謂之晚發頭痛身熱惡寒脉洪數先用九味羌活湯不愈後服此湯

○已上二方發散風寒表熱之劑

東垣瀉陰火升陽湯 治肌熱煩熱面赤食少喘咳痰盛

羌活 甘草 黃芪 蒼朮 升麻 柴胡 人參 黃芩 黃連 石膏 石膏

右咬咀每服一兩或半兩水煎此藥發脾胃火邪又心膽肝肺膀胱藥也瀉陰火升發陽氣

升陽散火湯 治男子婦女四肢發熱肌熱筋痺熱骨體中熱發困熱如燎門之烙手此病多因血

虛而得之或胃虛過食冷物抑遏陽氣於脾土火鬱則發之

升麻 葛根 獨活 羌活 防風 柴胡 甘草 白芍 甘草

足十卷心二十六十一 大門

右咬咀每服半兩或一兩水煎熱服

地骨皮散 治渾身壯熱脉長而滑陽毒火熾發渴

地骨皮 茯苓各半兩 柴胡 黃芩 生苾 知母各一兩 石膏 二兩 羌活 麻黃各七錢半 有

右咬咀每服一兩入姜煎

○已上三方升麻鬱火表熱之劑

小柴胡湯見傷寒

柴胡飲子 治解一切肌骨蒸積熱作發寒熱往來表熱裏和則發寒裏熱表則發熱邪熱半在

表半在裏出入進退無時即寒熱往來陰陽相勝也蓄熱寒戰表之陽和正氣與邪熱并蓄於裏

脉道不行故身冷脉絕寒戰而久煩渴也及傷寒發汗不解或中外諸邪熱口乾煩渴或下後熱

未愈汗後勞復或骨蒸肺痿喘嗽婦人餘疾產後經病

柴胡 人參 黃芩 甘草 大黃 當歸 芍藥各半兩

右為末每服抄三錢水一盞生薑三片煎至七分溫服日三服病熱甚者加服之

防風當歸飲子宣明方 治脾腎真陰損虛肝心風熱鬱甚陽勝陰衰邪氣上逆上實下虛怯弱不耐

或表熱而身熱惡寒或裏熱而躁熱煩渴或邪熱半在表半在裏進退出入不已而為寒熱往來

或表多則惡寒或裏多則發熱或表之陽分陽和止氣與邪相助并甚相裏畜熱極深而外無陽

氣裏熱極甚陽極似陰而寒戰腹滿煩渴者或裏之陰分正氣反助邪氣并甚於表則躁熱煩渴

而汗出也或邪熱壅塞者或煩熱而痛者或熱結極甚陽氣不通而反覺冷痛或中外熱鬱煩躁

甚喜涼畏熱者或熱極閉塞不得宣通陽極似陰中外喜熱而反畏寒者或躁熱煩渴者或溼熱

極甚而腹滿不渴者或一切風熱壅滯頭目昏眩暗風眼黑偏正頭痛口乾鼻塞耳鳴及聲咽噎

不利或目赤腫痛口瘡舌痺或上氣痰嗽心脇鬱痞腸胃燥澀小便溺淋悶或是皮膚瘙癢手足
麻痺又或筋脉拘急支躄倦怠或渾身肌肉跳動心忪驚悸或口眼喎邪語言蹇澀或狂妄昏惑
健忘失志及或腸胃燥熱悌鬱而肌不欲食或溼熱內餘而消穀善肌然能食而反瘦弱或誤服
燥熱毒藥及妄食熱物過多而耗損脾胃則風熱鬱甚而多有如此不必全見也無問自病及中
燥熱毒藥所使者並宜宣通氣血調順飲食久服之舊病除去新病不生設虛人常服補益功驗自
防風 當歸 白芍 柴胡 黃芩 人參 甘草 大黃 各一兩滑石 六兩

右停每服三錢至五錢水一大盞生姜三片同煎至七分去渣溫服

○廣按此方用大黃瀉陽明之溼熱從大便出用滑石降三焦之妄火從小便出用黃芩以涼腸
柴胡以解肌防風以清頭目用人參甘草以補氣當歸芍藥以補血瀉心肝之陽補脾胃之陰
而無半味辛香燥熱之謬藥真治風熱燥熱溼熱挾虛之良劑非聖於醫者其能如是也耶
溫熱病汗下俊餘熱未退用此尤妙

○已上三方和解半表半裏熱之劑

大柴胡湯 方見傷寒

防風通聖散 方見中風

○已上二方發攻表裏之劑

調胃承氣湯

小承氣湯

大承氣湯 並見傷寒

三一承氣湯 見溫熱

足少陰心去付餘

卷十一

火門

三

○已上四方攻下裏熱之劑

清心湯 即涼膈散料內加黃連五錢用蜜與竹葉同煎

連翹 山梔子 大黃 薄荷葉 黃芩銹 五甘草半 兩朴硝 二錢五分 加黃連半 兩

右為細末每服五錢水一盞蜜少許竹葉十片同煎七分溫服

洗心散和刺方治風墜痰滯心經積熱口舌唇燥眼流多淚大便秘結小便赤澀

白朮一兩半 麻黃和節 當歸去芦 洗荆芥穗 芍藥 甘草 大黃麩裏煨去麩切 八錢

右為末每服二錢水一盞生薑薄荷各少許同煎溫服

人參瀉肺湯秘方治肺經積熱上喘咳嗽腦脇脹滿痰多大便澀滯

黃芩 梔子 枳殼 甘草炙 薄荷 連翹 杏仁炒去皮 桑白皮炒 大黃 桔梗炒各等分

右吹咀每服一兩水二盞煎至一盞去滓食後通口服

黃連去芦 黃芩去腐 大黃煨各等分

右吹咀每服四錢水一盞煎至七分空心服

三黃丸和刺方治男子婦人三焦積熱咽喉腫閉心膈煩燥小便赤澀大便秘結並宜服之

黃連去芦 黃芩去土 大黃煨各半兩

右為末煉蜜丸如梧子大每服四十九丸熱水吞下

一方用腦麝為衣丸如荳大夜間噙化一丸亦好

含化三黃丸 治症同前 見喉痺

大金花丸宣明方治中外諸熱寢汗咬牙時語驚悸溺血淋閉咳衄血瘦弱頭痛并骨蒸肺痿喘嗽

去大黃加梔子名曰梔子金花丸又曰既濟解毒丸

黃連 黃柏 黃芩 大黃各等分 自利去大黃加梔子

右為末滴水丸如小豈大每服二三十丸新汲水下

四生丸 宣明方 治一切熱痰常服潤肌膚諸熱証皆可服

大黃 牽牛 皂角各二兩 朴硝半兩

右為末滴水丸如梧子大每服三十九食後白湯下

黃連解毒湯 宣明方 治傷寒雜病熱毒煩燥乾嘔口渴喘滿陽厥極深蓄熱內甚 方見溫熱

黃連湯 聖惠方 治一切積熱血熱腹熱酒熱並用

黃連淨不拘多少并水浸之良久碗盛於鍋內煮取清汁服之

○廣按書云寒因熱用熱因寒用何也蓋積熱用寒藥以治之痼冷用熱藥以治之恐相違逆如

黃連用姜汁制酒制如附子用蜜制童便制是也此方既用一味黃連又用井水浸之不無太過

乎以酒代之庶乎妙矣

神芎丸 宣明方 治三焦積熱風痰壅滯頭相腫或生瘡癩咽膈不利或腸胃結燥小便赤澁大便閉

塞一切熱証並宜服之

大黃 生黃芩 略二牽牛 生滑石 略四黃連 薄荷 川芎 各半兩

右為末滴水丸如梧桐子大每服五十九溫水食後下

解毒丸 通玄方 治中外諸邪熱毒癰腫瘡疽筋脉拘攣咬牙驚悸一切熱毒並宜治之

大黃 黃連 黃芩 山梔子 牽牛 滑石 各半兩

右為末滴水丸如梧子大每服三四十九溫水送下此即黃連解毒湯神芎丸合方也

全真丸 聖惠方 治臟腑積熱洗滌腸垢潤利燥澁解風毒攻症手足浮腫或頑痺不仁痰涎不利涕

唾稠粘胸膈痞塞臍腹脹滿飲食減退少困倦無力

川大黃三兩用米泔水浸過三日每日黑牽牛用四兩同取頭末四兩

右以皂角一兩輕炒去皮子水一大碗浸一宿入蘿蔔一兩切作片子同皂角一處焚至半碗去滓再熬至二鍾攞和上件藥末乾溼調勻丸如梧子大每服二三十丸至五六十丸諸飲下隨証加減以利為度

平胃散三因方治胃經寔熱口乾舌裂大小便秘溼及熱病後餘熱不除蓄於胃中四肢發熱無汗

厚樸法炮射干 升麻 茯苓各一兩 芍藥二兩 枳殼去穢 炒 大黃 薑 甘草各一兩

右咬咀每服四錢水一盞煎至七分去滓空心熱服

八王散 治大人小兒心經蘊熱咽乾口燥目赤睛痛臟腑秘結小便赤澀方見淋瀝

○已上諸方治三焦鬱火寔熱之劑

黃芩湯 治心肺蘊熱口瘡咽痛膈悶小便淋濁不利

澤瀉 梔子仁 黃芩 麥門冬去心 木通 生地黃 黃連 甘草各等分

右咬咀每服一兩水二盞生薑五片煎至一盞食前溫服

清心丸 治經心中火邪毒漏心忪恍惚口瘡咽燥

黃栢生三兩 龍腦三錢

右為末蜜丸梧子大每服十丸臨煎麥門冬湯下

碧雪和劑方治一切積熱口舌生瘡心煩喉閉

芒硝 青黛 石膏各研末 寒水石 朴硝 滑石 甘草煎湯二升 馬牙硝各等分

右將甘草湯入諸藥末再煎用柳木篋不住手攪令消溶入青黛和勻傾沙盆內候冷凝結成霜

研為末每用少許含化津嚥如喉閉不能嚥用竹筒吹藥入喉中

玄明粉御藥院方此藥大治邪熱所干膈上氣滯臟腑秘澁並宜服之以朴消煎過澄濾五七遍至

夜於星月下露至天明自然結作青白塊子用磁罐子按寔於炭火內從慢至緊自然成汁煎滲

直候不響再加頂火一煨便取出於淨地上倒下用盆合蓋了以去大毒然後研為細末每二斤

入甘生熟二兩為末一處攪勻臨時斟量用之或一錢二錢以桃花煎湯或葱白湯下

白虎湯 治氣熱見溫熱

四順清涼飲 治血熱見風熱

薄荷煎御藥院方治口舌生瘡痰涎壅塞咽喉腫痛

薄荷末一兩取川芎末二錢取腦子半錢研砂仁末二錢取

右為末入腦子和勻煉蜜成劑任意嚥嚼和刺方無腦子有桔梗

天竺散經驗方治臟腑積熱煩燥多渴口舌生瘡咽喉腫痛

山梔子去殼連翹絡三甘草三錢雞冠雄黃半錢瓜蒌一兩鬱金用皂角水煮熟切片焙乾三錢

右為末每服一錢食後臨睡新汲水調下

清氣散本事方治氣壅痰涎上膈煩熱

枳殼 川芎 柴胡 前胡 茯苓 甘草 獨活 羌活 青皮 白朮 人參各等分

右為末每服二錢水一鍾荆芥一穗煎七分服

龍腦飲和刺方治蘊積邪熱咽喉腫痛心煩鼻衄及痰熱咳嗽中暑煩躁傷寒餘毒發熱並宜用之

縮砂仁 瓜蒌根各三兩石膏四兩藿千葉二兩四錢 甘草六兩梔子仁十二兩

右為末每服二錢用新汲水入蜜調下

傷寒餘毒潮熱虛汗除蜜入竹青煎服

龍腦鷄蘓丸和刺方消煩渴涼上膈解酒毒除邪熱并治咳嗽唾血吐血諸淋下血胃熱口臭肺熱

喉腥脾熱口甜膽熱口苦並宜服之

黃耆去芦一兩麥門冬去心四兩阿膠炒蒲黃炒各二兩人參去芦一兩生乾地黃六兩另

甘草取半木通柴胡銀州者二兩宿取汁為膏鷄蘓淨葉一斤即薄荷

右除別研藥外並搗為末將好蜜二斤先煉一二沸然後下生乾地黃末不住手攪令勻取木通

柴胡汁慢火熬成膏勿令焦然後將其餘藥末同和為丸如黃豆大每服二十九嚼破熱水下虛

煩消渴驚悸人參湯下咳嗽唾血鼻衄吐血麥門冬煎湯下惟淋用車前子煎湯下

甘露飲和刺方治胃中客熱牙宣齲腫咽膈乾燥吐氣腥臭或胃經受溼伏熱在裏身黃如疽亦能治之

枳殼去油石斛去毛枇杷葉淨去毛甘草乾熟地黃黃芩天門冬焙去心麥門冬焙去心山茵陳地生乾

右咬咀每服三錢水一鍾煎至七分食後溫服

滋腎丸按粹方治不渴小便閉邪熱在血分也

知母二兩酒浸陰乾肉桂一錢半黃蘗一兩細剉酒拌炒陰乾

右知母黃栢氣味俱陰以同腎氣故能補而瀉下焦火也桂與火邪同躰故曰寒因熱用允諸病

在下焦皆不渴也熟水為丸百沸湯下

○已上諸方治三焦鬱火虛熱之劑

○風熱新增

附諸方

定風餅子簡易方治風客陽經邪傷腠理皆督淫直言語蹇澁躰熱惡寒痠厥頭痛肉腠筋惕手顫

鼻淵及飲酒過多嘔吐涎沫頭目眩暈常服消風去邪

見傷風

追風散和劑方治諸風上攻頭疼目眩鼻塞聲重皮膚瘙癢痒眉角牽引婦人血風一切頭風並治之

白僵蚕去絲荆芥二石膏兩四川烏防風四兩全蝎炒一兩川芎三兩麝香研一兩甘草一兩

右為末每服半錢食後臨卧茶調下

荆芥丸楊氏方治一切風邪上攻頭目咽膈不利或傷風發熱頭疼鼻塞聲重並宜治之見傷風

養氣丹和劑方治諸虛百損真陽不固上寔下虛氣不升降或咳嗽或喘促一切躄虛氣弱之人婦

人血海冷慳諸証並宜服之

禹餘糧欲煨醋洋磁石煨磁石赤石脂如前代赭石火煨醋淬七次一斤

已上五石各以水再研挹其清者置之紙上用竹篩盛之滴水候乾各用瓦瓶盛貯以鹽水紙筋

和泥固濟陰乾以硬炭五十斤分作五處煨此五藥以紙灰蓋之火盡再煨如此三次埋地穴內

兩日出火毒再研細入後藥

肉蓯蓉酒洗浸一宿破故紙炒附子一茴香炒丁香木香不見肉桂去山藥巴戟去心

肉豆蔻麩裏煨鍾乳粉另研鹿茸酥又當歸酒浸一宿焙乾沉香白茯苓去皮遠志去心

沒藥去砂別研陽起石煨別研五靈脂別研乳香別研朱砂別研各一兩

右入前藥同研極勻用糯米糊為丸每兩作五十九陰乾入布袋內擦令光瑩每服二十九空心

溫酒姜鹽湯任下婦人用艾醋湯下

養正丹和劑方治上盛下虛氣不升降元陽虧損氣短身羸及中風涎潮不省人事傷寒陰盛自汗

唇青婦人血海久冷並治之

水銀去瘴淨與水銀結砂子硫黃研朱砂研細各一兩

右用黑蓋一隻火上溶黑鉛成汁次下水銀以柳條攪次下朱砂攪令不見星子放下少時方入硫黃末急攪成砂和勻如有酸以醋酒之候冷取出研極細者糯米糊為丸如菜豆大每服三十粒鹽湯棗湯任下

○廣昔年初見養氣丹養正丹出證曰治諸虛百損真陽不足上竇下虛氣不升降一切躄弱氣虛之人並宜服之云者予以為補虛益損之劑無出於此後觀本草集要曰熱中消中不得服芳草石藥夫芳草之味美石藥之氣悍云云予則於此二丹所用石藥不能不致疑焉及觀七方十劑之目石藥乃為重劑重可以去怯其疑方纔釋也何以言之夫躄弱氣虛之人稠痰鬱火膠固於膏臆之間非石藥之氣悍而能開散之乎蓋石藥所以去病邪病邪退而正氣自復正猶石灰所以殺稂莠死而未苗自茂也石藥非補人之藥亦猶石灰非肥田之物養氣丹內有菝葜鹿茸當歸等藥庶乎有補而養正丹全是金石之藥何補之有哉觀者詳焉

○已上諸方辛溫發散之劑

清風散 和劑方治諸風上攻頭目昏眩項背拘急鼻嚏聲重耳作蟬鳴及皮膚頑麻癢痒癰疹婦人

血氣風頭皮腫痒並治之 見傷風

入風散 和劑方治風氣上攻頭目昏眩肢體拘急皮膚癢痒癰疹成瘡及治寒熱不調鼻塞聲重

藿香 去土半斤 白芷 前胡 去土各一斤 黃耆 去土各一斤 甘草 煨人參 去土各一斤 羌活 去土各一斤 防風 去土各三斤

右為末每服二錢水一盞入薄荷少許煎湯調下食後服清茶亦可

清神散 和劑方消風化痰治頭目眩暈耳聾鼻塞咽噎不利

檀香 剉十人參 去土各一斤 羌活 去土各一斤 薄荷 去土各二斤 荆芥 去土各二十斤 甘草 去土各十斤 防風 去土各十斤 細辛 去土各五斤

右為細末每服二錢食後沸湯點服或入茶末尤妙

四生散和劑方治男子婦人肝腎風毒上攻赤眼痒痛羞明多淚及下注脚膝生瘡遍身風癬兩耳內痒服之尤效

黃耆 川獨活 蒺藜沙苑者 白附子

右等分為細末每服二錢薄荷酒調下如腎臟風下疰生瘡以猪腰子批開入藥末二錢在內合定裹煨熟空心細嚼用鹽湯下

川芎茶調散和劑方治諸風上攻頭目昏眩偏正頭疼腦疼鼻塞聲重

大辰砂丸御藥院方清頭目化痰涎及感冒風寒鼻塞聲重頭目昏眩項背拘急皮膚瘙癢痺並宜服之見傷風

防風散楊氏方治頭目不清去風明目

防風 川芎 白芷 甘菊花 甘草

右等分為末每服二錢食後荆芥湯調下

追風散瑞竹堂方治白癩風

何首烏 荆芥穗 苦參 蒼朮 米泔水浸一宿焙乾各等分

右件為細末好肥皂角三斤去皮弦入磁器內熬為膏和為丸如梧桐子大每服三五十九空心

酒茶任下忌一切動風之物

胡麻散和劑方治脾肺風毒攻衝遍身皮膚瘙癢或生瘡疥或生癩疹用手搔時浸淫成瘡久而不

差愈而復作面上遊風或如虫行紫白癩頑麻或腎臟風攻生瘡並宜服之見癩疹

四神丸經驗方治手足頑麻痰涎壅盛頭目昏眩肩背拘急見痰熱

芎朮湯御藥院方清神爽志祛風消蘊治頭目昏痛鼻塞聲重

川芎 二兩半 白朮 一兩七錢五分

右咬咀每服八錢水一盞半姜五片煎至八分去滓溫服食後或為細末白湯點服亦得
天麻散宣明方治頭項痛頭面腫拘急風傷衛發躁熱

川芎 苦參 地骨皮 細辛 威靈仙 何首烏 薄荷葉 蔓荊子 菖蒲 杜蒺藜
牛旁子 蛇蛻草 荊芥穗 防風已上各半兩 天麻一兩 甘草炙二兩

右為末每服三錢用蜜水調下茶酒任下不拘時

防風天麻散宣明方治風麻痺走注肢節疼痛中風偏枯或暴瘖不語內外風熱壅滯并解昏眩 見中風

消毒犀角飲 治大人小兒內蘊邪熱痰涎壅滯或腮項結核遍身瘡癩並宜治之 見斑疹

一方 治風熱結滯或生瘡癩及金石發熱小腸等熱

用桑椹不拘多少微研以布絞去粗以瓦器熬稀膏量多少入蜜再熬成稀膏盛于磁器中每服

一二匙食後臨臥以沸湯點服

○已上諸方辛平發散之劑

上清散 治上焦熱耳鼻壅塞頭目不清

川芎 荊芥穗 薄荷葉各五錢 樸硝 石膏 桔梗各一兩

右為細末每服一字口噙水鼻內搗之加龍腦三分妙

上清丸 治口舌生瘡咽喉腫痛咳嗽煩熱能清聲潤肺寬膈化痰爽氣寧神

百藥煎 薄荷淨末各縮砂兩片 腦錢玄明粉 甘松 桔梗 柯子 礪砂銹五 寒水石

右為細末甘草熬膏為丸如梧桐子大每服一丸噙化或嚙三五丸茶湯下

龍腦丸宣明方治大人小兒一切蘊熱毒氣不散口舌生瘡咽喉腫痛及失音癰疹

龍腦 朱砂 礪砂 牛黃各等分

右為末黃蠟為丸如米粒大每服三五丸浸甘草人參湯送下
龍腦川芎丸 御藥院方 消風化滯除熱消痰通利七竅爽氣清神

桔梗半兩片腦六錢縮砂仁二錢白豆蔻五錢薄荷去土五錢川芎三錢 防風去芦甘草各一兩

右為末煉蜜為丸每兩作二十九丸每服二丸細嚼茶清送下

當歸龍腦丸 宣明方 治腎水陰虛風熱蘊積時發驚悸筋搖搦神志不寧榮衛壅滯頭目昏眩肌

肉潤癭胸膈痞塞咽噎不利腸胃燥澀小便溺閉筋脉拘急肢體痿弱暗風痼疾小兒急慢驚風

常服宣通血氣調順陰陽病無再作

當歸焙草龍膽 山梔子 黃連 黃蘗 黃芩各一兩 大黃 蘆薈 青黛各五錢 木香三錢 麝香半錢

右為末蜜煉和丸如小豆大小兒如每服二十九丸生薑湯送下忌發熱諸物兼服防風通聖散

羌活散 和劑方 治風氣不調頭目昏眩痰涎滯壅遍身拘急及風邪壅塞頭痛項強鼻塞聲重肢節

煩痛天陰風雨預覺不安 見傷

羌活丸 治症同前

旋覆花湯 御藥院方 治風熱則面生赤瘰子腦昏目疼鼻塞聲重面上遊風狀如虫行忌猪肉麩

旋覆花去土人參去土柴胡去土赤茯苓去土赤芍藥去土黃芩去皮枳實麩炒甘草各二兩

右咬咀每服一兩水一盞半生薑五片煎至八分去滓食後溫服

通關散 御藥院方 治風熱上攻頭目筋脉拘急痰涎壅踐肢節煩疼

羌活去芦獨活去芦防風去芦天麻去芦山梔子 大黃各一兩滑石二兩甘草一兩

右咬咀每服八錢水一盞半生薑五片煎至八分食後溫服

仙木芎散 宣明方 治風熱壅塞頭目昏眩及明耳目消痰飲清神

川芎 連翹 黃芩 山梔子 菊花 防風 大黃 當歸 芍藥 桔梗 藿香葉各五
蒼朮 石膏各一兩 甘草 荊芥穗 滑石 薄荷葉 縮砂仁各二錢五分

右咬咀每服三錢水一盞煎至七分食後通口服

川芎石膏湯 治風熱上攻頭目眩痛咽乾煩渴

防風通聖散 治風熱諸証總劑

○廣按此方治熱風燥三者之總劑也凡熱風燥之為病必於此而取之焉何以言之風本於熱熱極則風生燥生於風風動則燥至是熱風燥三者其寔一源流也故此一方而能兼治之觀其用防風麻黃薄荷荊芥使熱邪從玄府出也用梔子滑石使熱邪從小便出也用大黃樸硝使熱邪從大便出也其餘黃芩散肺火連翹散心火石膏散胃火芍藥散脾火川芎當歸和血潤燥白木甘草補脾和中桔梗開膈

並無一味辛香燥熱之藥可謂善於處方矣故於熱風燥三者之証百發百中無施而不可非

聖於醫者其能是歟

愈風丹 瑞竹堂方 治諸般風証偏正頭痛

防風通聖散 四物湯 黃連解毒湯各二料

加菴活 何首烏 細辛 菊花 天麻 獨活 薄荷各一兩

右為末煉蜜為丸如彈子大每服一丸細嚼茶清下不拘時

荊黃湯 和劑方 治風熱結滯或生瘡癩

荊芥 四兩 大黃 二兩

右咬咀每服五錢水一鍾煎至六分空心服

涼膈散和劑方治大人小兒臟腑積熱口舌生瘡痲寔不利煩燥多渴腸胃秘澁便溺不利見溫熱

連翹四錢四分甘草川大黃樸硝各二錢薄荷黃芩山梔子各一錢

右水二鍾竹葉七片蜜少許同煎一鍾食後服

既劑解毒湯治上熱頭目赤腫而腹中積滯胸滿困卧大便微秘

大黃酒煨黃連酒炒黃芩酒炒甘草炙桔梗銜一柴胡升麻連翹當歸身各一錢

右每服水二鍾煎一鍾食後溫服

洗心散治風壅痰滯心經積熱口苦唇燥眼澁多淚大便秘結小便赤澁見火類

犀角地黃湯治風熱大甚眼赤目痛喉閉口瘡丹毒見吐血

四順清涼飲治一切積熱丹毒并喉嚨熱痛

當歸去芦甘草炙赤芍藥大黃各等分

右每水一鍾煎食後溫服每服五錢

牛黃清心丸和劑方治諸風緩縱不隨語言蹇澁心忤健忘恍惚去來頭目眩暈胸中煩鬱痰涎壅

精神昏憤又治心氣不足神志不定驚恐怕怖悲憂慘戚虛煩少睡喜怒無時或發狂顛神思亂

○已上諸方辛涼外散內消之劑

○廣按宣明論云夫熱風之體也曲直動搖風之用也風生於熱以熱為本而風為標凡言風者

即風熱病也又按錢氏小兒論云肝有風目連劄不搖得心熱則搖以此論之凡病掉眩強直

之謂風風則離乎熱也觀火燄之上搖則熾風之象矣又按古方不分風之從外入由內起

一概曰風今予分之外入則曰中風傷風冒風內起則曰風熱外入治以辛溫外散內起則治

丹溪心法

○吐血陽盛陰虛故血不得下行因火炎上之勢而上出脉必大而芤大者發熱芤者血滯與失血也 大法補陰抑火使復其位用交趾桂五錢為末冷水調服 山梔子最清胃腕之血 吐血覺胸中氣塞上吐紫血者桃仁承氣湯下之 先吐紅後見痰嗽多是陰虛火動痰不下降四物湯為主加痰藥火藥 先痰嗽後見紅多是痰積熱降痰火為急 痰嗽涎帶血出此是胃口清血熱蒸而出重者梔子輕者藍實或暴吐紫血一碗者無事吐出為好此熱傷血死於中用四物湯解毒湯之類 吐血挾痰積吐一二碗者亦只補陰降火四物湯加火劑之類 挾痰若用血藥則泥而不行只火則止火病也 大吐紅不止以乾姜炮末童便調從治 喉脫痰血荆芥散妙舌上無故出血如線不止以槐花炒末乾摻之 若吐血一方童便一分酒半分搗柏葉溫飲非酒不行 嘔吐血出於胃也實者犀角地黃湯主之虛者小建中湯加黃連主之

入方

三黃補血湯 治初見血及血多宜服

熟苜錢生苜錢當歸半柴胡半升麻半芍藥二錢牡丹皮五分川芎半黃芪五分

右以水煎服 血不止可加桃仁半錢酒大黃斟酌虛實用之內却去柴胡升麻

又方 治見血後脾胃弱精神少血不止者

人參一錢黃耆二錢五味十三粒芍藥五錢甘草五分當歸五分麥門冬五分

右以咀水煎服 加礬金研入亦可

又方

人參 白朮 茯苓 陳皮各一錢 甘草 半夏各一錢 川芎各五分 青皮 神麴各一錢

右以水煎服如胃不和加藿香 如渴者加葛根半錢 若痰結塊者加貝母一錢黃芩半錢

去白陳皮半錢 若小便赤色加炒黃柏五分 若大便結燥加當歸七分 心煩加黃連酒拌

晒乾五分 若小便滑加煨牡蠣 若見血多去半夏恐燥加生羊一錢牡丹五分桃仁三分

若胃中不足飲食少進加炒山梔仁八分 若血溢入濁道留聚隔間滿則吐血蘇子降氣湯加

人參阿膠各五分 上膈壅熱吐血者以四物湯加荊芥阿膠各五分更不止於本方中加大黃

滑石各五分 胃傷吐血宜理中湯加川芎乾葛各五分此是飲酒傷胃也吐血不止用生茜根

為末二錢水煎放冷食後服良 白朮末調服治吐血

已上諸方雖非丹溪所出以其藥同故 錄於前

附諸賢論

劉宗厚曰經云榮者水穀之精也和調五臟洒陳於六腑乃能入於脉也源源而來生化於脾總統

於心臟受於肝宣布於肺施布於腎灌溉一身目得之而能視耳得之而能聽手得之而能攝掌

得之而能握足得之而能步臟得之而能液腑得之而能氣是以出入升降濡潤宣通者由此使

然也注之於脉少則濇充則實常以飲食日滋故能陽生陰長取汁變化而赤為血也生化旺則

諸經恃此而長養衰耗竭則百脉由此而空虛可不知謹養哉故曰血者神氣也持之則存失之

則亡是知血盛則形盛血弱則形弱神靜則陰生形役則陽克陽盛則陰必衰又何言陽旺而生

陰血也蓋謂血氣之常陰從平陽隨氣運行於內苟無陰以羈束則氣何以樹立故其致病也易

調治也難以其比陽常虧而又損之則陽易亢陰易乏之論可以見矣諸經有云陽道實陰道虛

陰道常乏陽道有餘陰常不足以人之生也年至十四而經行至四十九而經斷可見陰血之難

成易虧如此陰氣一傷所變之證妄行於上則吐衄衰涸於外則虛勞萎瘵於下則便紅稍熱膀胱則癢閉溺血滲透腸間則為腸風陰虛陽搏則為崩中濕蒸熱來則為滯下熱極腐化則為濃血火極似水血色紫黑熱勝於陰發為瘡瘍濕滯於血則為痛痒癩疹皮膚則為冷痺畜之在上則人喜忘畜之在下則人喜往墮悲跌仆則痰惡內凝若分部位身半以上同天之陽身半以下同地之陰此特舉其所顯之証者治血必血屬之藥欲求血藥其四物之謂乎河間謂隨證輔佐謂之六合湯者詳言之矣余故陳其氣味專司之要不可不察夫川芎血中氣藥也通肝經性味辛散能行血滯於氣也地黃血中血藥也通腎經性味甘寒能生真陰之虛也當歸分三治血中主藥也通肝經性味辛溫全用能活血各歸其經也芍藥陰分藥也通脾經性味酸寒能涼血治血虛腹痛也若求陰藥之屬必於此而取則馬脾胃論有云若善治者隨經損益摘其一二味之所宜為主治可也此特論血病而求血藥之屬者也若氣虛血弱又當從長沙血虛以人參補之陽旺則生陰血也若四物者獨能主血分受傷為氣不虛也輔佐之屬若桃仁紅花蘇木血竭牡丹皮者血滯所宜蒲黃阿膠地榆百草霜棕櫚灰者血崩所宜乳香沒藥五靈脂凌霄花者血痛所宜旋菴璫陽牛膝枸杞子益母草夏枯草敗龜板者血虛所宜乳酪血液之物血燥所宜乾姜桂者血寒所宜生地黃苦參血熱所宜特取其正治大畧耳若能觸類而長可謂應無窮之變矣

附脉理

脉訣舉要諸証失血皆見衄脉隨其上下以驗所出大凡失血脉貴沉細設見浮大後必難治

附諸方

犀角地黃湯 治傷寒汗下不解鬱於經絡隨氣湧泄為衄血或溝道閉塞流入胃腹吐出清血如鼻衄吐血不盡餘血停留致面色痿黃大便黑者更宜服之

犀角 生芩 白芍 牡丹皮 各等分

右咬咀每服五錢水煎溫服實者可服

桃仁承氣湯

芒硝 桂各三錢 甘草二錢五分 大黃一兩 桃仁五錢 去皮尖

右咬咀每服一兩入姜同煎

黃連解毒湯 見溫熱

三黃丸 治積熱吐血咽膈不利 見大類

犀角地黃湯 救猝方 主脉浮客脉芤浮芤相合血積胸中熱之甚也血在上焦此藥主之

生地黃二兩 黃連 黃芩各一兩 大黃半兩

右咬咀每服一兩水二鍾煎至一鍾食後通口服

四生丸 良方 治吐血衄血陽盛於陰血熱妄行

生荷葉 生艾葉 生栝葉 生地黃 各等分

右研爛丸如鷄子大每服一丸水三鍾煎至一鍾濾過溫服

藕汁散 濟生方 治吐血不止

生藕汁 生地黃汁 大薊汁 各三合 生蜜半匙

右件藥汁調和令勻每服一小鍾不拘時服

雙荷散 聖惠方 治卒暴吐血

藕節 七箇 荷葉 頂七箇

右同蜜插細水二鍾煎八分去滓溫服或研末蜜調下

本方治... 枇杷葉散 治暑毒攻心嘔吐鮮血 方見中暑

○已上數方治內實吐血之劑

小建中湯

桂枝 甘草 大棗 白芍 生薑 阿膠

右咬咀水煎

荊芥散

荊芥穗 甘草 桔梗

右咬咀姜煎食後服

大阿膠丸和劑方治肺虛客熱咳嗽咽乾多唾涎沫或有鮮血勞傷肺胃吐血嘔血並皆治之

麥門冬 扶苓 栝子仁 百部根 杜仲 丹參 貝母 防風 遠志

人參 扶苓 乾山藥 熟地黃 阿膠 五味子

右為末煉蜜丸如彈子大每服一丸水煎六分

必勝散和劑方治男子婦人血妄流溢或吐或咳衄血

小蘗 蒲黃 當歸 熟地黃 川芎 烏梅

右咬咀每服四錢水一鍾煎七分溫服不拘時

龍腦鷄蘇丸 治膈熱咳嗽或吐血衄

扶苓補心湯 治心虛為邪氣所傷吐血見咳血

是齋白朮散 治積熱吐血咳血若因飲食過度負重有傷脾胃而吐血者最宜服之惟忌食

熱起煎煉一切發風之物

白朮二兩 人參去芦 白茯苓去皮 黃芪蜜浸各一兩 山藥 百合去心各七錢半 甘草炙半兩 柴胡 前胡各三錢半

右咬咀每服三錢水一鍾姜三片棗一枚煎六分溫服

歸脾湯 治思慮傷脾不能統攝心血以致反行或吐血下血 見健忘

天門冬湯濟生方 治思慮傷心吐血衄血

遠志去心甘草水蒸 白芍藥 天門冬去心 麥門冬去心 黃芪去蘗節 阿膠蛤粉沒藥炒 當歸 生地黃各兩 人參 甘草各三錢

右咬咀每服四錢水一鍾姜五片煎六分不拘時溫服

加味理中湯

乾姜 炮人參 白朮各二兩 甘草 葛根各半兩

右咬咀每服三錢水一鍾煎七分溫服不拘時

麥門冬飲子板料方 治脾胃虛弱氣促氣弱精神短少衄血吐血

人參五錢 五味子五錢 紫苑一錢半 黃芪 芍藥 甘草各一錢 當歸身 麥門冬各五分

右咬咀作二服水煎食後服之

團參丸 治吐血咳嗽服涼藥不得者

人參 黃耆 飛羅麩各一兩 百合五錢

右為末滴水為丸如梧子大每服三十九丸茅根湯下

辰膠散經驗方 治大人小兒吐血

阿膠炒 蛤粉各一兩 辰砂少許

右為末藕節搗汁和蜜調下食後服

側柏散 治內損吐血下血因酒太過勞傷於內血氣妄行其出如湧泉口鼻皆流須臾不救服此

即安又治男子婦人九竅出血

側栢葉一兩五錢蒸乾人參去芦一兩荆芥穗一兩燒灰

右為末每服三錢入飛羅麩三錢拌和汲水調粘相似噉服

一方 治吐血

用生地黃五斤搗汁生蜜二斤半以瓦錫器盛貯於鍋內重湯桑柴火煮三日三夜取出入人參末四兩茯苓末六兩冷勻不拘時候以熱湯點服一名瓊玉膏

一方

用栢葉一握乾姜三片阿膠二挺炙水二鍾煎至一鍾去担頓服

芎藭湯濟生方治一切失血過多眩暈不甦

芎藭 當歸去芦酒浸各等分

右咬咀每服四錢水二鍾半煎至七分溫服不拘時

四物湯見補損治失血過多加栢葉煎服

理中湯 見中寒

蘓子降氣湯 見痰類

○已上諸方治內虛吐血之劑

一方 治酒色傷心肺口鼻俱出血

用荆芥燒灰置地上出火毒為末每服三錢陳米湯下

一方 治大人吐血及傷酒食醉飽低頭掬重損傷吐血至多汗血妄行口鼻血出但聲未失者投之無不効

百草霜

即鍋底上黑灰外人家者妙

右為末每服三錢米飲調下或并花水調下三服即愈若鼻衄用一捻吹入鼻中立効

○皮肉破處及灸瘡出血百般用藥不止搽半錢或一字立止

一方 治吐血

用好罌為末每服二錢以白湯化阿膠清調服

一方

用血餘燒灰為末每服三錢冷水調下

○如鼻衄以竹管吹入鼻中即止

一方 治吐血啞血

用藕節搗汁飲之

一方

用栢葉瓦上焙乾為末每服三錢食後米飲調下

一方

用大黃末每服一錢以生地黃汁一合水半鍾煎四五沸溫服即愈

一方 治飲酒過多蘊熱胸膈以致吐血衄血

葛花二兩黃連四兩

右為末以大黃末熬膏子丸如梧桐子大每服一百丸溫湯下或煎服亦可

○已上諸方止血涼血之劑

○廣按氣血屬陰喜靜者也若夫動靜有常則氣血調勻陰陽和順何病之有哉今也六淫侵于

吐衄証若脉滑數難治

外七情戕于中動過于靜陽勝乎陰則氣有餘而血不足也丹溪曰氣有餘便是火火性急暴
燔灼經絡則血沸騰而錯經妄行為咳血嘔血咯血衄血溺血下血之所由也况血為氣之依
附若是血敗散枯涸則氣失依附而發越矣不死何待可不畏哉治療大法以苦甘寒藥散火
涼血為君以辛味藥開鬱利氣為臣以升提藥俾復其位為佐使或以酸澁藥止塞其源或以
甘溫藥收補其後如此病之不愈者未之有也 又按丹溪正法吐血條已兼咳嘔咯衄四者

附方嘔血衄血通用

咳血 四十五

丹溪心法

○咳血 火升 痰盛 身熱多是血虛四物湯加減用戴云欬血者嗽出痰內有血者是嘔血者

嘔全血者是咯血者每欬出皆是血痰瘕衄血者鼻中出血也溺血者小便出血也下血者大便
出血也雖有名色分六俱是熱証但有虛實新舊之不同或妄言為寒者誤也

入方

青黛 瓜姜仁 訶子 海粉 山梔

右為末以蜜同姜汁丸噲化效甚者加杏仁去皮尖後以入物湯加減調理

附諸方

黃芪散 治欬成勞

甘草四錢 黃芪 麥門冬 熟芩 桔梗 白芍 各五錢

右咬咀每服五錢水煎

茯苓補心湯 三因湯 治心氣虛耗不能藏血以致面色黃瘁五心煩熱咳嗽唾血 及婦人懷妊惡

阻嘔吐亦宜治之

半夏湯炮七次前胡 白茯苓 人參各五分 錢紫蘊 枳殼麩炒 桔梗 甘草炙 乾葛

陳皮各五錢 當歸二錢兩 熟地黃一兩五錢 白芍藥二兩 川芎七錢五分

右咬咀每服四錢水一鍾姜三片棗一枚煎七分食後溫服

鷄蘇丸按辨方 治虛熱昏冒倦怠下虛上壅嗽血衄血

鷄蘇葉錢薄荷 兩即金黃耆 防風 荆芥各一兩 桔梗 川芎 甘草 菊花 生芩各半兩 片腦五分

右為末煉蜜丸如彈子大每服一丸用麥門冬去心煎湯送下 又治肺損吐血日漸乏力衰弱

行步不得促嗽痰涎飲食不美或發寒熱小便赤澁加車前子三錢用桑枝剉炒香煎湯嚼下

經効阿膠丸濟生方 治嗽血唾血

當歸地黃湯宣明方 治嗽血衄血大小便血或婦人經候不調月水過多喘嗽並見癆瘵

人參芎歸湯直指方 治虛勞少血津液內耗心火炎燥熱乘肺金咳嗽咯血及血不榮肌肉動瘵耗

當歸 川芎 白芍藥各五錢 人參 半夏 製橘紅 阿膠炒 赤茯苓 細辛 五味 甘草錢五分

右咬咀每服八錢水二鍾姜三片煎一鍾食後溫服

一方 治咳嗽

用新綿燒灰半錢食後好酒調服

一方

用栝葉瓦上焙乾為末每服三錢食後米飲調下

嘔血 四十六

丹溪心法

○嘔血火載血上錯經妄行 脉大發熱喉中痛者是氣虛用參芪蜜炙黃栢荆芥當歸生地黃用
之 嘔血用薑汁童便姜汁磨鬱金同飲之其血自清 火載血上錯經妄行用四物湯加炒山梔
童便姜汁服 又方山茶花童便姜汁酒服 又鬱金末治吐血入姜汁童便良 又一方用薑汁
童便二物合用鬱金細研和服 又方治吐血或衄血上行用鬱金如無用山茶花代姜汁童便和
好酒調服即止後以犀角地黃湯加鬱金 怒氣逆甚則嘔血暴痺內逆肝肺相搏血溢鼻口但怒
氣致血証者則暴甚故經曰抑怒以全陰者是也否則五志之火動甚火載血上錯經妄行也用柴
胡黃連黃芩黃芪地骨生熟半白芍以水煎服虛者以保命生地黃散再加天門枸杞甘草等分水
煎服

附諸方

一方 治嘔血 黃栢蜜炙

右搗為末煎麥門冬湯調二錢七立瘥

聖惠方 治嘔血 側栢葉或晒乾或陰乾或瓦焙乾

右為末不計時以米飲調下一錢七分

保命生地黃散 治諸見血無寒吐血衄血下血瀉血

生地黄 熟地黄 枸杞子 地骨皮 天門冬味 緡黃耆 白芍藥 甘草炙 黃芩略 等

右咬咀每服一兩水二鍾煎至一鍾去滓食前通口服脉微身涼加減每一兩加官桂五分

大薊散 濟生方 治飲啖辛熱傷於肺經嘔血出血名曰肺疽

大薊根洗 犀角鎊 升麻 桑白皮炙 蒲黃炒 杏仁去皮尖 各一兩 甘草炙 五錢 桔梗炒 一兩

右咬咀每服四錢水一鍾姜五片煎至八分溫服不拘時

咯血 四十七 附痰涎血

丹溪心法

○咯血痰帶血絲出者用姜汁青黛童便竹瀝入血藥中用如四物湯加地黃膏牛膝膏之類 咯
唾血出於腎以天門冬麥門冬貝母知母桔梗百部黃栢遠志熟苕牡蠣姜桂之類 痰涎血出於
脾以葛根黃芪黃連芍藥當歸甘草沈香之類主之

又方 治痰中見血

白朮五錢當歸錢一芍藥錢一牡丹皮五錢桃仁研一錢山梔炒八分桔梗錢一貝母錢一黃芩分三甘草分三青皮分五

右以水煎服

又方 治痰中血

橘紅錢半夏錢一茯苓錢一甘草分三白朮錢一枳殼錢一人參分五五味分十桑白皮一錢黃芩一錢

右以水一鍾姜三片煎服 或加青黛半錢

又方

橘紅一錢五分 半夏半錢 茯苓 牡丹皮 貝母 桃仁各一錢黃連七分甘草 大青各五分

右以水煎生薑三片

附諸方

治咯血

荷葉不拘多少焙乾

右為末米湯調二錢七分

又方 治咯血及衄血

大門

白芍藥一兩犀角末二錢半

右為末新汲水服一錢七血止為限

又方 治咯血

桑白皮一錢五分半夏一錢炒知母 貝母 茯苓各一錢 阿膠炒五分 桔梗七分 陳皮一錢

甘草 杏仁炒各五分 生芩一錢 山梔七分 柳桂二分 即桂之嫩小枝條也 宜入治上焦

右以水煎生姜三片

天門冬丸 本事方 治吐血咯血大能潤肺止咳

天門冬一兩 甘草 白茯苓 阿膠 杏仁炒 貝母各五錢

右為末煉蜜丸如梧桐子夫每服一丸熟津含化日夜可十九

鷄蘇散 濟生方 治勞傷肺經唾內有血咽喉不利

鷄蘇葉 黃耆 生地黃洗淨 阿膠 貝母 白茅根各一兩 桔梗去芦 麥門冬去心 甘草炙各五錢

右咬咀每服四錢水一鍾姜三片煎七分溫服

槐花散 朱氏集驗方 治咯血失血

用槐花炒為末每服二錢糯米飲下仰臥

黃連阿膠丸 濟生方 治勞嗽并嗽血唾血 見痢類

恩抱散 治咯血吐血唾血及煩燥欬嗽

生蒲黃 乾荷葉 茅根各等分

右為末每服三錢濃煎桑白皮湯食後溫服

丹溪心法

○衄血涼血行血為主大抵與吐血同 用山茶花為末童便姜汁酒調下 犀角生地黃湯入鬱
金同用加黃芩升麻犀角能解毒 又以鬱金末童便姜汁并酒調服 經血逆行或血腥或吐血
或唾血用韭汁服之立効 治血汗血衄以人中白新瓦上火逼乾入射香少許研細酒調下經驗
人中白即溺盆白堊秋石也 衄血出於肺以犀角升麻梔子黃芩芍藥生地黃紫苑丹參阿膠之
類主之 原病或曰衄者陽熱怫鬱于於足陽明而上熱則血妄行故病衄也

附諸方

河間生地黃散 治鬱熱衄血或咯吐血皆治之

枸杞 柴胡 黃連 地骨 天門冬 白芍 甘草 黃芩 黃芪 生苳 熟苳 各等分

右咬咀水煎服 若下血加地榆

又方 治衄血

伏龍肝 半升即錫心竈上

右以新汲水一大碗淘取汁和蜜頓服

茜根散 治鼻衄不止

茜根 阿膠 蛤粉炒 黃芩 各一兩 側柏葉 生苳 各一兩 甘草 各半兩

右以水煎服加姜三片

黃芩芍藥湯 治鼻衄不止

黃芩 芍藥 甘草

右以水煎服 或犀角地黃湯如無犀角以升麻代之

○鼻通於腦血上溢於腦所以從鼻而出凡鼻衄並以茅花調止衄散時進折二泔仍令以麻油滴於鼻或以蘿蔔汁滴入亦可又茅花白芍藥對半尤好 外迎法以井花水溼紙頂上貼之
左鼻衄以線札左手手中指右出札右手手中指俱出兩手俱札 或炒黑蒲黃吹鼻中或龍骨末
止衄散

黃芪六錢 赤茯苓 白芍藥 當歸 生芩 阿膠各三錢

右為末每服二錢食後黃芪湯調下

芎附飲

川芎二兩 香附四兩

右為末每服二錢茶湯調下

○廣按血証須要涼血散火此藥既非涼血又非散火何也蓋血病用血藥而不効者以其血之所藏無以養也夫心主血肝藏血此方用川芎所以和血通肝而使血歸於肝臟也用香附所以開鬱行氣而使火散經絡也血歸火散何病之不止哉

黃芩芍藥散 按秘方 治虛家不能飲食衄血吐血

黃芩 芍藥 甘草各等分 一法加生姜黃耆

右水煎服 此藥治傷寒衄血吐血嘔血

茜梅丸 本事方 治衄血無時

茜根草 艾葉各一兩 烏梅肉 炒乾半兩

右為末煉蜜丸如梧桐子大每服三十九丸烏梅湯下

生地黃湯 直指方 治上熱衄血

生地黄一兩淨阿膠炒一兩川芎 桔梗 蒲黃 甘草生各五錢

右咬咀每八錢水一鍾半入生姜汁二匙煎至八分去滓溫服

麥門冬飲直指方治鼻衄

白芍藥 蒲黃各二錢生薑一錢生地黄三錢麥門冬去心二錢

右咬咀蜜一合水一鍾半煎至八分分作二服

川芎三黃散直指方治實熱衄血

大黃溼紙裹煨川芎 黃連 黃芩各等分

右為末每服二錢井水調下食後

生地黄湯經驗方治榮中有熱及肺壅鼻衄生瘡一切丹毒等疾

生地黄 赤芍藥 當歸 川芎各等分

右咬咀水二鍾煎至一鍾去滓食後溫服 若鼻衄加蒲黃生瘡加黃芩丹毒加防風

清肺飲試效方治衄血吐血久不愈者

五味子十箇麥門冬 當歸身 人參 生地黄各五分黃耆二錢

右咬咀作一服水二鍾煎至一鍾去滓食後溫服用三棱針氣街出血立愈

地黄飲拔粹方治衄血往來久不愈甚効

生地黄 熟地黄 枸杞子 地骨皮各等分

右為末每服二錢蜜湯調下日三服

麥門冬飲子濟生方治衄血不止

麥門冬 生地黄各等分

右劉每服一兩水煎

黃連散經驗方治大人小兒盛熱乘於血血隨熱氣散溢於鼻者謂之鼻衄凡血得寒則凝澁結聚

得熱則流散妄行

黃連 黃芩 栢葉 甘草各等分 豆豉 三十粒

右吹咀每服一兩水二鍾煎至一鍾去滓食後通口服

生地黃湯 治鼻衄昏迷不省

用生地黃三五斤取汁服之以渣塞鼻中須臾即止

白芨散 治鼻衄不止

用白芨不以多少為末冷水調貼鼻竅下

十金散 治鼻衄不止

土馬鬃即場上 甘草 各二錢 黃藥子 半兩

右為末每服二錢新汲水調下不止再服

射香散御藥院方 治鼻衄不止

白礬粘過另研 白龍骨粘舌者另研 各五錢 射香 五分

右三味拌和勻每用一字先將冷水洗淨鼻內血涕然後吹藥於鼻中或以溼紙撚蘸藥鼻內

龍骨散三因方 治鼻衄過多

用白龍骨不拘多少研為末用少許吹入鼻中凡九竅出血皆可用此藥吹之

山梔散朱氏集驗方 治鼻衄不止

用山梔子不以多少燒為末少許吹入鼻中

黑神散

用百草霜為末用少許吹入鼻中立效

一方 治鼻血不止

用頭髮燒灰以竹管吹入鼻中即止或以酒調亦可

一方

用新 百葉搗水服之即止

一方 治鼻衄及酒疸黃沙淋

用萱草根搗汁一鍾生姜汁半鍾相和時時細呷

一方

用生姜汁磨好墨滴鼻中

一方

用茆花塞鼻中外用茆花濃煎湯服

溺血 四十九

丹溪心法

○溺血屬熱 用炒山梔子水煎服或用小蘗琥珀 有血虛四物加牛膝膏 實者用當歸承氣

湯下之後以四物加山梔

入方

小蘗飲子 治下焦結熱血淋

生苧 小蘗 滑石 通草 淡竹葉 蒲黃炒 藕節 當歸 酒浸 梔子 炒 甘草 炙 各半兩

本方治心火治附會
右用水煎空心服

附諸方

許令公方 治尿血

生地黄汁一合 生姜汁一合

右以兩物相合頭服瘥

當歸承氣湯

當歸 厚樸 枳實 大黃 芒硝

右剉水煎

當歸散 大 全 良 方 治婦人小便出血或時尿血

當歸 羚羊角屑 赤芍藥各半兩 生地黃一兩 刺薊葉七錢半

右咬咀每服八錢水一鍾半煎至八分去滓通口服食前

一方 治小便出血

用當歸四兩酒三升煮一升頓服

一方

用琥珀為末每服二錢灯心薄荷湯調下

鹿角膠丸 濟生方 治房屋勞傷小便尿血

鹿角膠五錢沒藥另研油頭髮灰各三錢

右為末用茅根汁打糊丸如梧子大每服五十九鹽湯送下

六味地黄丸 治老人尿血 見補損

瑞竹堂蒲黃散

故紙炒蒲黃炒千年石灰

右等分為細末每服三錢空心熱酒調下 此却劑也

下血 五十

丹溪心法

○下血其法不可純用寒涼藥必於寒涼藥中加辛味為佐久不愈者後用溼劑必煎升舉藥中加酒浸炒涼藥加酒煮黃連丸之類寒因熱用故也有熱四物加炒山梔子升麻秦艽阿膠珠去大腸溼熱 屬虛者當溫散四物加炮乾姜升麻 允用血藥不可單行單止也

入方

白芷 五倍子

右為末粥丸如梧子大每服五十九丸米湯下

附脉理

脉訣舉要曰便血則芫散則赤黃實脉痿閉熱在膀胱

附諸方

黃連香薷飲 治伏暑純下鮮血見中暑

敗毒散 治風熱流入大腸經下血不止 見傷風

胃風湯 治風溼乘虛入於腸胃或下瘀血 見痢類

槐花散 治腸胃有溼脹滿下血

蒼朮 厚樸 陳皮 當歸 枳殼各一兩 槐花 二兩 甘草 烏梅 各半兩

足子參心去付余

火門

七

右以水煎空心服

當歸和血散 按梓方 治腸癖下血溼毒下血

槐花 青皮各六錢 當歸身 升麻各二錢 荆芥穗 熟地黄 白朮各六分 川芎四分

右為末每服二三錢清米飲調下食前

升麻去溼和血散 按梓方 治腸癖下血作派其血啣出有力而遠射四散如篩春二月中下二行腹

中大作痛乃陽明氣衝熱毒所作也當去溼毒和血而愈

生地黃 牡丹皮 生甘草各五錢 熟甘草 黃耆各一錢 當歸身 熟地黄 蒼朮

秦艽 肉桂各三分 橘皮 升麻各七分 白芍藥一錢五分

右咬咀作一服水四鍾煎至一鍾稍熱空心服

黃連湯 按梓方 治大便後下血腹中不痛者謂之濕毒下血

黃連 當歸各五錢 甘草炙一錢五分

右咬咀每服一兩水二鍾煎至一鍾食前通口服

○已上諸方治溼毒下血之劑

香連丸 冷熱不調下血如痢 見痢類

聚金丸 楊氏方 治腸胃積熱或酒毒大便下血腹中熱痛煩渴脉弦數

黃連 四兩 酒炒一兩 薑汁炒一兩 灰火炮一兩 生用一兩 黃芩 防風各一兩

右為末煮麩糊丸如梧子大每服五十丸米泔浸枳殼水下不拘時

芍藥黃連湯 保命集 治大便後下血腹中痛謂之熱毒下血

芍藥 黃連 當歸各五錢 淡桂五分 甘草炙二錢 大黃

右每服一兩水二鍾煎至一鍾服如痛甚調木香檳榔末一錢服

阿膠湯拔粹方治傷寒熱毒入胃下痢膿血

黃連丸 治飲酒過多下血不止

黃連 二兩 赤茯苓 阿膠炒各一兩

右用黃連茯苓為末調阿膠衆手丸每三十九食後米飲下

芍藥湯拔粹方行血調氣澀而使膿血知氣行而血止行血則便自愈調氣則後重除見前類

涼血地黃湯拔粹方如飲食不節起居不時者陰受之陰受之則入五臟則填滿閉塞下為滄泄久

為腸癖者水穀與血另作一派即出也時令值夏溼熱大盛正當客氣勝而主氣弱也故腸癖之

之証甚以此藥主之

熟地黃 當歸 青皮 槐花炒各五分知母炒黃栢去皮炒各一錢

右以咀作一服水一鍾煎至七分溫服如小便澀臍下悶或大便後重調木香檳榔末各五分稍

熱空心服或食前服如裏急後重又不去者當下之如有傳變隨証加減

○已上諸方熱毒下血之劑

伏龍肝散三因方治先糞後血謂之遠血煎止吐衄

伏龍肝 半斤 甘草炙 白朮 阿膠 黃芩 乾地黃各三兩千金方作乾姜

右以咀每服四錢水一鍾煎空心服虛者加附子

竹茹湯大全良方治婦人汗血吐血尿血下血

竹茹 熟地黃各二兩人參 白芍藥 桔梗 川芎 當歸 甘草炙桂心各一兩

右以咀每服一兩水二鍾煎至一鍾食後通口服

煎紅丸 濟生方治臟腑虛寒下血不止面色痿黃日久瀉瘦

測栢葉炒黃鹿茸火老醋煮川續斷酒浸黃耆 阿膠蛤粉粉炒白礬粘半兩當歸去芦酒浸

右為末醋煮米糊丸如梧子大每服七十九空心米飲下

○廣按本方出証云治臟腑虛寒下血不止夫血証乃火使之然言虛則可言寒則不可也丹溪

云下血久不愈者後用溫劑此方正合其義東垣云勞者溫之損而溫之損而溫之損而不溫

何能愈哉此方乃溫補之義非溫寒之說也

○己上諸方治久虛下血之劑

醫師固禁散 治吐血便血

白芷半兩真蒲黃一兩甘草一錢半地榆去芦一兩

右以咀每服二錢溫酒調服如氣壯人加石膏一兩

一方

槐花 荊芥穗各等分

右為末酒調下一錢匕仍空心食豬血妙

一方 治卒下血

用赤小豆一升搗碎水二升絞汁飲之

烏梅丸 治便血下血

烏梅三兩燒灰存性

右為末醋糊丸梧子大每服七十九空心米湯下

一方 治中毒下血

用蛻皮燒存性研細每服二錢水調下日進三服

一方 治下血劫劑

百藥煎一兩取一半燒為灰

右為末糊丸如梧子大服六十九丸空心米湯下

一方

血餘灰 鞋底灰 猪牙皂角灰各等分

右為末酒調三錢七

一方 治下鮮血

山枝子仁燒灰

右為末水和一錢七服

一方 治糞前有血面色黃

石榴皮

右為末煎茄子湯調一錢七

一方 治糞後下血不止

艾葉 不以多少

右以生姜汁三合和服

一方 治臟毒下血

苦煉 炒令黃

右為末蜜丸米飲下二十九丸尤妙

足十卷心六寸餘

火門

一方
百草霜研細

右用酒調下

○已上諸方涼血止血之劑

酒煮黃連丸見世瀉

四物湯見補損

腸風臟毒

丹溪心法

○腸風獨在胃與大腸出 若兼風者蒼朮秦朮芍藥香附

又方

黃芩 秦朮 槐角 升麻 青黛

右以水煎服

治腸風下血

滑石 當歸 生苜 黃芩 蒼朮各等分

右以水煎服 或以蒼朮生苜不犯鐵器為末丸服

又方

茄蒂燒存性 枝子炒

右為末蒸飯丸如梧子大每服一百丸空心米湯下

又方 便血久遠傷血致虛并麻風癬瘡見面者

黃連 鷄冠花 貫衆 川大黃 烏梅各一兩 甘草五錢

右為末每服二錢用溫米飲調下日三服不拘時

黃連貫衆散 張子和方 治腸風下血

黃連 鷄冠花 貫衆 大黃 烏梅肉各一兩 甘草炙七錢五分 枳殼 荆芥各一兩

右為末每服二錢溫米飲下食前

結陰丹 拔粹方 治腸風下血臟毒下血諸大便血疾

枳殼 去穢 威靈仙 黃芩 陳皮去白 椿根白皮 何首烏 荆芥穗各半兩

右為末酒糊丸如梧子大每服五七十九丸陳米飲入醋少許煎過要放溫水送下

地骨皮散 經驗方 治腸風痔瘻下血不止

地骨皮 鳳眼根皮並用懸崖中者好去土不用

右二味各等分同炒微黃色搗為細末每服三錢空心溫酒調服忌食油膩等物

止血散 御藥院方 治腸風下血或在糞前或在便後在便前者其血近腎肝血也在便後者其血遠

心肺血也此藥並主之

皂角刺 燒灰二兩 胡桃仁去皮故紙炒 槐花 三兩半

右為末每服二錢米飲調酒亦可

一方 治腸風臟毒

用茄蒂燒灰存性為末米飲調下二錢小兒服半錢

一方 治腸風下血

乾椹根白皮 人參 去芦

本方治心法附錄 卷十一
右件等分為末每服二錢空心用酒或米飲調下

一方

槐花 枳殼

右等分炒存性為末新井水為丸米飲下

一方 治臟毒下血

用黃連四兩酒浸春秋五日夏三日冬七日曬乾為末以烏梅肉六兩同搗為膏丸如梧子大每

服二三十丸空心白湯下

一方 治腸風下血

用椿根白皮比引者去粗皮酒浸曬乾為末研膠囊肉丸如梧子大每服三五丸酒送下

○廣按腸風者邪氣外入隨感隨見所以其色清也臟毒者蘊積毒久而始見所以其色濁也治

腸風以散風行溼藥治臟毒以清熱涼血藥又要看其虛實新久之不同新者寔者宜降之瀉

之虛者久者宜升之補之故治法有所異也

痔瘡 五十二

丹溪心法

○痔瘡專以涼血為主

入方

人參 黃芪 生芩涼血 川芎 當歸和血 升麻 條芩涼大腸 枳殼寬腸 槐角涼血 黃連生血 等

一方無黃連

右以水煎服 或丸服亦可

龜板二兩酥炙升麻 香附各五錢芍藥一兩半側柏葉一兩椿根皮七錢半

右為末粥丸以四物湯加白朮黃連甘草陳皮作末湯下丸藥

又方 脉緩大口渴月經紫色勞傷挾濕

白朮半兩黃栢炒生苜 白芍各三錢地榆二錢黃芩 香附各一錢

右為末蒸餅丸服

又方 治積熱便血

蒼朮 陳皮一兩半黃連 黃栢 條芩各七錢五分連翹半兩

右為末生苜膏六兩丸如梧子大每服五七十九丸白湯下

又方

腸風脫露以車荷鳴五七箇焙乾燒灰醋調搽仍忌溼麪酒辛熱物

附諸方

腸風黑散 和劑方治腸風下血或在糞前後並皆治之

荆芥二兩亂髮 槐花 槐角各一兩燒甘草炙蠟皮炒各一兩枳殼去白二兩炒一兩

右將所燒藥同入甕瓶內益泥固濟燒存三分性出火毒同甘草枳殼搗羅為末每服三錢水一

鍾煎七分空心服

香梅丸 濟生方治腸風臟毒下血

烏梅 同核燒存世香白芷 不見火百藥煎燒存性各等分

右為末米糊丸如梧子大每服七十九丸空心米飲下

黑玉丹 和濟方治腸風積熱下血不止

刺蝟皮斤 猪懸蹄一百 敗棕兩 苦練根五兩 雷丸四兩 牛角腮到十兩 槐角六兩 芝蔴四兩 亂髮四兩

右到碎用甕罐內燒存性研為細末入乳香二兩射香八錢研和令勻用酒打麩糊為丸如梧子

大每服二十九先細嚼胡桃一枚空以溫酒吞下多進得効

槐角丸和濟方 治五種腸風下血痔瘻脫肛下血並服

槐角炒一兩 地榆 黃芩 防風去芦 當歸 酒浸一宿焙乾去芦 枳殼去白 麩炒 各八兩

右為末酒糊丸如梧子大每服三十九空心米湯飲下

槐花散本事方 治腸風臟毒下血

槐花炒 栢葉杵爛焙 荆芥穗 枳殼各等分

右為末每服二錢空心米飲調下

香附散本事方 治腸風

香附一兩炒 枳殼七錢半炒 當歸半兩 川芎五錢 槐花炒 甘草炙各二錢五分

右為末每服三錢水一鍾姜三片棗一枚煎七分溫服

蒜連丸濟生方 治臟毒下血

鷹角黃連去鬚一兩

右為末用獨頭蒜一箇溲香熟研和入白杵極爛丸如梧子大每服四十九空心陳米下

加減四物湯 治腸風下血不止

側栢葉 生地黃 當歸 酒浸去芦 川芎各一兩 枳殼去白 炒 荆芥穗 槐花炒 甘草炙 各

右咬咀每服四錢水一鍾姜三片烏梅少許同煎空心溫服

黃連散宣明方 治腸風下血疼痛不止

熏洗

五倍子 休硝 桑寄生 蓮房 加荊芥

煎湯先熏後洗又冬瓜藤亦可 又大腸熱腫者用木鱉子五倍子研細末調傳 痔頭向上是

大腸熱甚收縮而上用四物湯解毒湯加枳殼白木槐角秦艽

附諸方

清心丸 素問云諸痛痒瘡瘍皆屬心火此藥主之

黃連一兩 茯神 微赤茯苓 各半兩

右為末煉蜜為丸如梧子大每服一百丸食前米湯下

清涼飲 治諸痔熱甚大便秘結

當歸 赤芍藥 甘草炙 大黃 飲上蒸晒乾

右等分為末每服二錢新水調下

黃耆葛花丸 宣明方 治腸中久積熱毒痔瘻下血疼痛

黃芪 葛花 生地黃 焙 黃赤小豆花 碎 一大黃 赤芍藥 黃芩 當歸 各三錢 蝟皮 一錢

枳榔 白蒺藜 皂角子仁 炒各五錢

右為末煉蜜丸如梧子大每服二十九至三十九煎桑白皮湯及茴香槐子煎湯下亦可

槐角丸 治痔瘻有效

槐角 當歸 地骨皮 蝟皮 炙各等分

右為末滴水丸如梧子每服五十九空心服

蝟皮丸 治諸痔瘡出血裏急疼痛

槐花炒艾葉炒枳殼 地榆 當歸 川芎 黃芪 白芍 白礬枯 貫衆 蝟皮各一

頭髮燒三錢猪後蹄重甲十枚皂角一錢黃去皮

右為末煉蜜丸如梧子大每服五十九丸食前米湯下

猪甲散 治諸痔

猪懸蹄甲不以多少

右為末陳米湯調二錢空心服

芎歸丸 治痔下血不止

川芎 當歸 黃芪 神麩 地榆

右為末作十服空心服

五灰散三因方治五種痔瘡不問內外並宜服之

鱉甲治壯痔蝟皮治壯痔蜂房治脉痔蛇治氣痔猪左足懸蹄甲治腸痔各等分

右燒存性隨証倍用一分為末并花水調二錢空心臨卧時服

香殼丸宣明方治溼熱內甚因而飽食腸癖發為諸痔久而成瘻

木香 黃蘗各三錢枳殼去穢厚樸各半黃連一兩蝟皮一箇燒灰當歸四錢荊芥穗二錢

右為末麵糊丸如梧子大每服二三十丸溫水下食前日三服

一方 治諸痔瘡

槐花四兩皂角刺捶碎一兩胡椒十粒川椒一兩

右用穢猪肚一箇入藥在內扎定口煮熟去藥空心食肚子

○已上諸方內治之劑

薰洗方

槐花 荆芥 枳殼 艾葉

右以水煎入白礬先薰後洗

槐花炒各半兩 阿膠炒 頭髮燒灰 荆芥 木賊各一錢五分

右為末煉蜜丸如梧子大每五十九食前米湯服

乾葛湯 治每遇飲酒發動痔瘡腫痛而流血

乾葛 枳殼炒 半夏 茯苓 生苳 杏仁各半兩 黃芩 甘草炙各二錢半

右剉每服三錢黑豆一百粒姜三片白梅一箇水煎服

橘皮丸 治因憂思忍怒適臨于前痔瘡發作腫痛大便難強努則肛出亦皆治之

橘皮 枳殼炒 川芎 槐花炒 酪楨榔 木香 桃仁炒去皮 紫蘊 莖葉香附 甘草炙格二

右剉每服三錢姜棗煎服

一方 治腸痔每大便常有血

蒲黃末方寸七末飲調下日三頓瘥

地黃丸 治五痔滋陰必用之

地黃酒蒸熟一兩六錢 槐花炒 黃栢炒 杜仲炒 白芷各一兩 山藥 山茱萸 獨活錢 澤瀉 牡丹皮 茯苓錢

黃芪半兩 白附子二錢

右為末煉蜜丸如梧子大每五十九空心米湯服下

一方

大黃煨二錢 牡蠣煨一兩

又方 用五倍子如燒香法置桶中薰妙

又方

水蠶子七箇取仁研土礬末二錢

右以水煎薰洗二三次 如肛門腫熱以撲硝末水調林之良

又方

搗桃葉一角蒸之內小口器中以下布榻上坐虫自出

又方

用無花菓葉煮水薰少時再洗

又方

用好醋沃燒新磚如法坐薰良

又方

翻花痔

用荆芥防風樸硝煎湯洗之次用木蠶子鱗金研末入龍腦夢少水調傅之或用熊膽片腦和勻

又方

用全蝎不以多少或二三箇初發痔痒用此燒薰

又方

用韭菜不以多少燒熟湯以盆盛湯在內盆上用器具蓋之留一竅却以韭菜於湯內泡之以殼

又秘方

道坐竅上含氣蒸薰候温用韭菜湯輕輕洗瘡數次自然脫休

先用乾馬齒莧煎湯洗次用螺螄活搗敷瘡紙封口空心食前鹽湯調下枳殼末一二錢又方

用枳殼不拘多少每用末二錢水一大碗沙瓶內煎百沸先薰蒸而後洗之外敷蝸牛膏

用蝸牛一枚射香少許用小砂合子盛蝸牛以射香搽之次早取汁塗瘡瘡有效

槐白皮膏和劑方治內外諸痔年久不愈者

槐白皮 枳實各五錢 赤小豆二合 桃仁六十枚 當歸各三兩 甘草 白芷各二兩

右咬咀以煎成猪膏一斤微火煎至黃色藥可成膏以貼瘡

五灰膏危氏方治臟腑一切蘊毒發為痔瘡不問遠年近日形似鷄冠蓮花核桃牛乳或內或外並

皆治之此方親傳之瘡科劑叔茂累試皆驗不敢自秘

蕎麥灰半手許 荆柴 老杉枝 薊柴 山白竹

右以上四般柴竹截作二尺許長以斧劈破成片各取一束晒乾放火上燒過置坛內為灰防風所化候燒却以水於鍋內煮用炭汁又用酒漏以布帛實其竅置蕎麥灰於酒漏內以所煮四般炭汁淋之然後取汁於鍋內慢火熬汁約取一小碗候冷入石灰同丹調和成膏以瓦瓶貯之止用石灰傳之面上不令走氣臨用時却去若灰以冷水調開冷病石以水洗洗淨痔瘡仰臥搭起一足先以濕紙於瘡四圍貼護却用竹篾挑藥塗痔上須臾痛息用紙揩去藥再塗如此三四遍要痔瘡如墨樣黑方止以水洗淨每日常置冷水一盆以葱湯和之日洗三五遍六七日後膿穢出盡其瘡自消

寬腸丸醫方大成 五灰塗痔瘡之後或臟腑秘結不通者用此藥寬腸

黃連 各等分

右為末麪糊丸如梧子大每服五十九丸空心米湯下

一方 治久痔

用熊膽塗神效

一方 治痔瘡有頭

用芫花入土根洗淨末白搗以少水絞汁於銀銅內熉火煎成膏將絲線於膏內度過繫痔瘡頭
繫時微痛候心躁痔落時以紙撚蘸膏於竅內永除其根

一方

治用藥枯痔後大便堅硬難下以大黄溼紙裹煨枳殼去穰當歸酒洗各等分為末煉蜜丸如梧
子大每服三十九丸白湯下

灸法

用大蒜一片頭垢捻成餅子完安頭垢餅於痔上外安蒜艾灸之

○已上數方外治之法

四物湯 見補損

解毒湯 見溼熱

漏瘡 五十三

丹溪心法

○漏瘡先須服補藥生氣血用參朮芪芎歸為主大劑服之外以附子末津唾和作餅子如錢厚以
艾灸之漏大炷大漏小炷小但灸令微熱不可使痛乾則易之則再研如末作餅再灸如因則止來

日又炎直至肉平為效亦有用附片炎仍用前補劑作膏貼之尤妙 痔漏涼大腸寬大腸 用枳殼去穢入巴豆鉄線纏煮透去巴豆入藥用丸藥則爛搗用煎藥乾用寬腸 澁竅用赤石脂白石脂枯礬黃丹腦子漏竅外塞用童便煨燼甘石牡蠣粉

入方

黃連散 元有痔漏又於肛門邊生一塊皮厚腫痛作膿就在痔孔出作食積注下治

黃連 阿魏 神麴 山查 桃仁 連翹 槐角 犀角 等分

右為末以少許置掌心時時舐之津液嚥下如消三分之二止後服

附諸方

加味槐角丸 古庵方 治痔漏通用及治腸風下血

槐角 二兩 生苜 二兩 當歸身 黃芪 各一兩 川芎 阿膠 各半兩 黃連 條芩 枳殼

蒼朮 防風 連翹 地榆 升麻 各一兩 白芷 半兩

右為末煉蜜丸或酒糊丸如梧子大每服五十九丸漸加至七八十九丸空心温酒或米湯送下

法曰以槐角生苜生血涼血為君當歸川芎黃芪阿膠補虛為臣以諸藥為佐使蓋黃連瀉心火

條芩涼大腸枳殼寬大腸蒼朮去大腸風防風為血證上使連翹為血證中使地榆為血證下使

而連翹又能散經絡中火邪地榆又能涼血升麻升散火邪又與白芷引諸藥入大腸經絡夫痔

漏經絡之病也

楸藤子丸 御藥院方 治腸癖下血痔漏結核疼痛

楸藤子 一箇 重七錢者 皂角刺 燒存 茴香 炒 枯白礬 枳殼 麩炒 白礬 白附子 蠟皮 各半兩 乳香 半兩

右為末醋麩糊丸如梧子大每服五十九丸空心温酒下如痔瘡痛醋研五七丸塗患處

蝟皮丸 濟生方 治五種痔漏

猪左懸蹄甲 黃牛角腮 蝟皮一箇同上 二葉燒灰存性防風去芦貫衆 槐角子炒 蟹甲

醋煮 枳殼皮去白 雞冠花 槐花 黃耆去雷丸 黃連去當歸 香白芷 油髮灰 玄參各半 射香另研五分

右為末米糊丸如梧子大每服一百丸空心米飲送下年高并虛弱者不宜服也

枳殼散 御藥院方 治腸風痔漏便血無數行痛不可忍

枳殼去穰 麩炒 槐子微炒 黃色荊芥穗各半兩

右為末每服三錢薄粟米粥調下如人行一二里地再以粥壓下日進二三服

一方 治痔漏下血痒痛

用槐花炒枳殼去穰各一兩為末醋糊丸如梧子大每服二十九丸空心食米飲湯下十服見效

一方

用枳殼水浸去穰每二片用巴豆一粒在內線縛於銀石器內以醋浸一宿高煮乾去豆為末醋

糊為丸如梧子大每服十五丸空心茶清送下

猪腎丸 通行漏瘡中惡水自大腸中出

用黑牽牛碾細末三錢半入猪腎中一綫札青竹葉包慢火煨熟空心温酒嚼下

○已上諸方治初發痔漏涼解之劑

乳香丸 治冷漏

乳香二錢半 牡蠣粉一錢二分半

右為末雪糕糊丸麻子大每服三十九丸姜湯空心下

釣腸丸 和劑方治久漏虛漏肛門腫痛或生瘡時有膿血及腸風下血虛寒久不愈者

括萎二枚燒存性 蝟皮二箇燒存性 鷄冠花微炒五兩 綠蓉枯 白蓉枯二兩 胡桃仁取仁十五兩不

白附子 天南星生用 枳殼去穢 麩炒半夏 訶子煨各二兩 附子去皮 臍生用一兩

右為末醋糊丸如梧子大每服二十九空心臨卧温酒送下

黑丸子危氏方專治年久痔漏下血用之累驗

乾姜 百草霜兩 木饅頭兩 烏梅 敗棕 栢葉 油髮各半 已上七味各燒灰桂心三錢

白芷五錢俱不見火

右九味為末醋糊丸如梧子大空心米飲下三十九

烏玉丸秘方治男子婦人下血腸風痔漏者疼痒不可忍服此三四次是效初得此病或痒或疼或

道周迴多生硬核是痔破者是漏下血是風皆因酒色過度即成此疾人多以外醫敷洗不知病

在腸中有蟲若不去根其病難除

槐角兩 雷丸兩 敗棕兩 苦練根兩 五芝藤兩 牛角腮十一兩 剉亂髮皂角水洗八兩

右件剉碎用磁器內燒存性碾末入乳香二兩射香八錢研勻酒糊丸如梧子大每服五十九細

嚼胡桃一箇温酒送下空心臨晚二服甚者三服忌別藥房室醋魚鷄諸般發風動氣毒物并生

○已上諸方治年久痔漏溼溢之劑

薰男婦翻花漏瘡

草麻子去殼 防風 天南星各半兩

右件為粗末盆內燒烟上用器具蓋之留一孔坐孔上薰之

又方 薰漏瘡

艾葉 五倍子 白膠香 苦練根各等分

右剉碎如燒香法置長桶內坐薰瘡處

薰洗痔瘻疼痛

枳殼半兩 樸硝二錢半 薄荷半兩 荆芥 乾蓮蓬各一兩

右件為粗末用水三碗煎至二碗半乘熱薰洗

洗漏瘡方 治漏瘡孔中多有惡穢常須避風洗淨

漏蜂房白芷煎湯洗 或大腹皮苦參煎湯洗

右洗畢拭乾先用東向石榴皮晒為末乾摻以殺淫虫少頃傳藥

又方

用冬瓜湯洗即愈

又方

用樸硝井水調洗 或用蜜和硝調搽

又方

治痔漏 用河邊水漂出柳根赤鬚煎湯洗極效

傳久漏方

用瓦孔蜂房炙黃以臘月豬脂研傳候收汁以龍骨降香節末入芩乳香硬瘡

又方

治痔漏 用田螺一箇挑開壓入片腦一分過一宿取螺內水搭瘡先用冬瓜瓢煎湯洗淨搽

蒲黃散 治下部痔漏

蒲黃一兩 血碣半兩

右為末用每少許拈患處

又方

用蛻螂不以多少焙乾為末先用礬水洗淨貼之

辰砂挺子秘方治痔漏等瘡

人言一錢白礬二錢蜜陀僧辰砂各五錢

右件先研人言細鋪鍋底次用礬鋪人言上枯烟盡為度次將陀僧辰砂研細白糕和作尖挺子如小麥大每用一粒頑漏納瘡口上去敗肉盡後貼生肌散

生肌散秘方

寒水石煨一錢龍骨煨五錢乾胭脂三分輕粉一錢

右件研末乾貼瘡嫩寒水石乾胭脂加龍腦瘡老止依方

辰砂膏秘方

瓜蒂末三錢蜜陀僧研二錢硃砂半錢片腦少許

右件為末如瘡乾津調貼瘡溼乾貼

玉紅散秘方

礬砂二兩先燒礬砂在鍋內次用白礬末放上枯烟盡為度白礬二兩硃砂四錢

右件為末數痔乾用津唾調貼

代針膏秘方

巴豆五錢去皮枳殼大者二箇去穰

右件將豆裝在枳殼內綿縛罐內盛醋煮乾枳豆晒乾研細用綿絲蘸濕展藥敷痔根上去痔不

用止用生肌散如頑漏日久不可用津調代針膏敷瘡頭失敗肉自去

四效散聖惠方治鼠妳痔漏

蜜陀僧二錢射香 片腦各半兩銅綠一字

右件為末先用溫水洗拭乾敷

生地黄膏 治漏瘡通用

露蜂房炙五倍子 木香三錢乳香一錢輕粉一字

右為末用生地黄一握搗細和為膏攤生絹貼之

蛇蛻散 治漏瘡血水不止

蛇皮焙焦五倍子 龍骨各二錢五分續斷五錢

右為末入射香少許津唾調傳

○已上諸方外治之法

○廣按痔漏之源由乎酒色過度溼而生熱克于臟腑溢于經絡墜乎穀道之左右衝突為痔久而成漏者也痔輕而漏重痔寔而漏虛治痔之法不過涼血清熱而已至於治漏初則宜涼血清熱燥溼久則宜澁竅殺虫而兼乎溫散也或曰痔漏火是根源何故而用溫澁殊不知痔止出血始終是熱漏流膿水始是溼熱終是溼寒不用溫藥何以去溼而散寒乎非止痔漏百病中多有始熱而終多寒者如瀉痢如嘔吐初作則腸胃氣實為熱久作則腸胃氣虛而為寒矣丹溪下血條云下血久不愈者後用溫劑正此義也

脫肛五十四

丹溪心法

○脫肛屬氣熱 氣虛 血虛 血熱 氣虛者補氣參芪芎歸升麻 血虛四物湯 血熱者涼血四物湯加炒栝 氣熱者條芩六兩升麻一兩麩糊丸 外用五倍子為末托而上之一次未收至五七次待收乃止 又東北方壁土泡湯先薰後洗 附諸方

香荆散 三四方 治肛門脫出大人小兒悉皆治之

香附子 荆芥穗 各等分 一方加砂仁

右為末每服三匙水一大碗煎至十數沸熱淋洗

一方

用五倍子為末用每三錢八白礬一塊水二碗煎洗

一方

用木賊燒灰存性為末搽肛門上按入即愈

一方

用浮萍為末乾貼患處

一方

用蔓陀羅花子連殼一對椽斗十六箇搗碎水煎三五沸入樸硝熱洗其肛自收

二靈散

治久痢腸胃俱虛肛門自下

龍骨 煨五錢 木賊 燒存性二錢 伍分

右為末摻托之

又方

淋五十五

丹溪心法

○淋有五皆屬乎熱 鮮熱利小便山梔子之類山梔子去皮一合白湯下

戴云淋者小便淋瀝欲去不去不去又來皆屬於熱也

入方 治老人氣虛而淋者

人參 白朮 木通 山梔子

右水煎服

地髓湯 治死血作淋痛不可忍此證亦能損胃不食

杜牛膝 一合一名苦杖根即鼓槌草

右以水五鍾煎耗其四而留其一去滓入射香少許空心服之又單以酒煎亦可又名苦杖散

老人虛寒者八味丸或六味丸為要藥

又方 治氣虛而淋者

八物湯加黃芪虎杖甘草煎湯服諸藥中可加牛膝

附諸方

五苓散 治伏暑小便赤澀如淋見中暑

一方 治諸淋

四苓散 二錢 益元散 一錢 燈草 三十支 山梔子 一錢

右水煎空心服 或益元散加車前末一錢 或益元散加阿膠末一錢

八正散和劑方治大人小兒心經溫熱臟腑閉結小便赤澀癃閉不通熱淋血淋膏淋沙淋石淋並皆治之

車前子 瞿麥 萹蓄 滑石 甘草 山梔 大黃 麩罌 木通 各一斤

右咬咀每服三錢水一鍾入灯心十莖煎至六分食前溫服

五淋散和劑方治腎氣不足膀胱有熱水道不通淋瀝不出或如膏如沙如石或如豆汁並皆治之

赤茯苓六兩 赤芍藥 山梔子仁各十兩 當歸去芦 甘草生用各五兩 條苓三兩

右咬咀每服四錢水一鍾煎八分空心服

石常散和劑方治膀胱有熱淋瀝不去臍腹急痛蓄作有時勞役即發或尿如豆汁或出沙石並皆治之

芍藥 白朮 滑石 葵子 木通 瞿麥 石常去銹各錢 當歸 甘草略一兩 王不留行一兩

右為末每服二錢空心小麥湯調下

通草湯濟生方 治諸淋 王不留行 葵子 通草 苜蓿根 蒲黃 當歸去芦 桃膠 瞿麥 滑石各一兩 甘草半兩

右咬咀每服四錢水一鍾姜五片煎服

地膚子湯濟生方 治諸病後體虛觸熱結下焦遂成淋疾小便赤澀數起少出莖痛如刺或尿血

地膚子一兩 猪苓 知母 黃芩 海藻洗 通草 瞿麥去根葉 枳實麩炒 升麻 葵子略半

右咬咀每服四錢水一鍾姜五片煎六分溫服

車前子散 治諸淋小便痛不可忍

車前子生半兩 淡竹葉 赤茯苓 灯草各二錢 荆芥穗能通竅二錢

右作二服水煎

立效散和劑方治下焦結熱小便淋閉作痛有時尿血

甘草炙三兩瞿麥穗一兩山梔子去皮炒半兩

右咬咀每服五錢水一鍾姜三片葱白三箇燈心三十莖煎至六分去滓食後溫服

○已上八方清熱之劑

導赤散和劑方治心虛蘊小便赤澁或成淋痛

生乾地黄 甘草 木通

右咬咀每服三錢水一鍾竹葉十片煎六分溫服

火府丹本事方治心經蘊熱小便赤少及五淋澁痛

木通 黃芩各一兩生熟地黄一兩

右為末煉蜜杵為丸如梧子大每服五十九丸木通湯送下

○已上二方方寧心之劑

六味地黄丸 治血虛腎虛消渴淋濁見補損

鹿角霜三因方治膏淋多因憂思失志濁氣干清小便淋閉黯如膏脂疲劇筋力或傷寒溫此多有証

鹿角霜 秋石 白茯苓各等分

右為末麵糊丸如梧子大每服五十九丸空心米湯下

○已上二方滋腎之劑

一方 治氣虛脾虛消渴淋濁

人參 滑石各一錢白朮一錢半赤茯苓 澤瀉各七分麥門冬 甘草各五分竹葉三十片

右剉作一服水一鍾灯心二十莖煎六分溫服食前

清心蓮子飲和劑方治上盛下虛心火炎上口苦咽乾煩渴微熱小便赤澁或成淋並皆之

黃芪炙石連肉去心赤茯苓 人參各七錢半車前子 麥門冬去心甘草炙地骨皮黃芪各
右咬咀每服五錢水一鍾煎六分溫服發熱加柴胡薄荷

○已上二方扶脾之劑

髮灰散 治血淋 若單小便出血為莖衄皆主之

亂髮不抱多少燒灰入射香少許每服用米醋泡湯調下 治淋以葵子末等分米飲空心調
下最治婦人胞轉不尿

葉氏治血淋方簡易方

阿膠麩炒一兩木猪苓 赤茯苓 滑石 澤瀉各一兩車前子半兩

右咬咀每服三錢水一鍾煎六分五更時服

一方 治小腸有熱血淋急痛

車前草連根蒂洗淨白內搗井花水調瀝清汁空心涼服一碗若是淋沙石則以煨寒水石

為末調服

一方 治血淋熱淋効

赤小豆不以多少炒微熟

右為末每服二錢煨葱一根溫酒調服

通秘散 治血淋痛不可忍

陳皮 香附 赤茯苓各等分

右判每服二錢水煎空心服

白薇散 治熱淋血淋

足升真心上付徐

卷十一 大門

三三

白薇 赤芍藥 各等分

右為末每服二錢溫酒調下立効或加枳榔

一方 治熱淋血淋

麻根十箇

右以水四碗煎至一碗空心服甚効

一方 治血淋諸熱淋

山茵陳 淡竹葉 木通 山梔子 滑石 甘草 猪苓 瞿麥

右剉每服五錢水一鍾半灯心少許煎至八分空心溫服如大便秘澁加大黃同煎

○已上八方理血之劑

沉香散 治氣淋疼此多因五內鬱結氣不舒行陰滯於陽而致壅滯小腹脹滿便溺不通

沉香 石膏 滑石 王不留行 當歸 各半兩 葵子 芍藥 各七錢 甘草 陳皮 木香 青皮 各二錢

右為末每服三錢煎大麥湯下

傳濟方 治五淋

赤芍藥 一兩 枳榔 二箇 麩 畏 煨

右為末每服二錢水煎空心服

一方 治卒淋急痛

盆元散 二錢 茴香 一錢 微炒 黃木香 枳榔 各二分半

右為末水調服

○已上三方理氣之劑

一方 治小便淋痛赤澁下沙石

萱草根一握搗取汁服 或嫩苗煮食之亦可

一方 治沙石淋

琥珀二錢研為末空心葱白湯調下

琥珀散宣明方治五淋沙石淋

滑石 琥珀各一兩木通 當歸 木香 麝香 篇竹各半兩

右為末每服五錢以蘆薈葉煎湯空心調服如無蘆薈葉以竹葉湯煎送下

○已上三方開鬱之劑

二神散 治諸淋急痛

海金沙七錢半滑石半兩

右為末每服二錢煎木通麥門冬車前草湯入蜜少許送下

一方

石燕子七箇搗如黍米大新桑白皮 三兩判同伴勻

右將二物分作七帖用水一鍾煎七分去渣空心午前至夜各一服

琥珀散聖惠方治五淋澁痛小便有膿出血

琥珀 海金沙 沒藥 蒲黃各一兩

右為末每服三錢濃煎通草湯送下日二服

一方 用螻蛄七枚鹽二兩同與新瓦上焙乾研細溫酒調下一錢即愈

一方

用芋根二莖剉碎水一碗煎至半碗頓服即通

一方

用車前子一兩以絹囊盛水二鍾煎溫服立瘥

一方

用地膚子或莖葉一兩水一鍾煎溫服即北方掃帚苗上子是也

○已上數方專攻之劑

一方

治淋莖中痛此是肝經氣滯有熱

甘草梢子半兩青皮 黃柏 澤瀉各一錢

一方

治苦病淋而莖中痛不可忍者

六君子湯加黃柏知母滑石石常琥珀煎服見調胃類

參苓琥珀湯 治淋莖中痛不可忍相忍脇下痛

人參 鈺 茯苓 細川 練子 鐵 一 琥珀 生 甘草 錢 玄 胡 索 訖 澤 瀉 柴 胡 當 歸 稍 加 青 皮 黃 柏 各 三

右作一服水一鍾半煎至七分空心溫服

○已上諸方治莖中痛之劑

治婦人諸淋方

用苦杖根俗名杜牛膝洗淨槌碎一握水五碗煎至一碗去渣入射香乳香末各少許調服小便內當下沙石剝剝有聲是其効也

石韋散 治婦人小便卒淋澀

石常 黃芩 木通 榆栢皮 葵子 瞿麥穗 甘草各等分

右吹咀每服八錢水一鍾半姜三片煎至八分去渣食前溫服

○已上治婦人淋証之劑

八味丸

八物湯 並見補損

○廣按淋証其感不一或因房勞或因忿怒或因醇酒或因厚味所致夫房勞者陰虛火動也忿怒者氣動生火也醇酒厚味者釀成濕熱也積熱既久熱結下焦所以小便淋瀝欲去不去不去又來而痛不可忍者初則熱淋血淋久生煎熬水液稠濁如膏如沙如石也諸方中類多散熱利小便而於開鬱行氣破血滋陰蓋少焉若夫散熱利小便只能治熱淋血淋而已其膏淋沙石淋三者必須開鬱行氣破血滋陰方可也古方用鬱金琥珀開鬱藥也用青皮木香行氣藥也用蒲黃牛膝破血藥也用黃栢生地黃滋陰藥也東垣用藥凡例小腹痛用青皮黃栢夫青皮踈肝黃栢滋腎蓋小腹小便乃肝腎之部位也學者不可不知

小便不通 五十六

丹溪心法

○小便不通有氣虛 血虛 有痰 風閉 實熱 氣虛用參芪升麻等先服後吐或參芪藥中

探吐之 血虛四物湯先服後吐或芎歸湯中探吐亦可 痰多二陳湯先服後吐已上皆用探吐

若痰氣閉塞二陳湯加木通一作木香香附探吐之以提其氣氣升則水自降下蓋氣承載其水

也 有寔熱者當利之硝糖湯調牽牛末二三或山梔之類 有熱有濕有氣結於下宜清宜燥

本丹... 宜升 有孕之婦多患小便不通胞被胎壓下故也轉胞論用四物湯加參木半夏陳皮甘草姜棗煎湯空心服 一婦人脾疫後患大小便不通此是痰隔中焦氣滯於下焦以二陳湯加木通初喫後煎楂吐之

附脉理

脉訣舉要曰鼻頭色黃小便必難脉浮弦濇為不小便

附諸方

蒲黃湯 聖惠方 治心腎有熱小便不通

赤茯苓 木通 車前子 桑白皮 炒荆芥 燈草 赤芍藥 甘草 微炒 蒲黃生滑石

右各等分為末每服二錢葱白紫蘇煎湯調下食前服

葵子散 宣明方 治小便不通

葵子 茯苓 去皮各等分

右咬咀每服四錢水二鍾煎至一鍾去滓食前服

葵子湯 濟生方 治膀胱實熱腹脹小便不通

赤茯苓 去皮 木猪苓 去皮 葵子 枳實 麩炒 瞿麥 滑石 木通 節 黃芩 車前子 甘草 各等分

右咬咀每服四錢水一鍾半姜五片煎八分去滓溫服

海金沙散 拔粹方 治小便淋瀝及下焦濕熱氣不施化或五種淋疾癃閉不通

海金沙 研木通 瞿麥穗 滑石 通草 各半兩 杏仁 去皮尖麩炒一兩

右咬咀每服一兩燈心二十莖水二鍾煎至一鍾溫服

鬱金黃連丸 秘方 治心火炎上腎水不升致使水火不得相濟膀胱小腸積熱或癃閉不通或遺溺

不禁或白濁如泔或膏淋如膿或如梔子水或如沙石米粒或如粉糊相似者俱熱証也此葉患皆治之

欝金 黃連 各一兩 黃芩 琥珀 研大黃酒浸各滑石四兩黑牽牛炒取頭末三兩白茯苓兩四

右為末水丸如梧子大每服五十九沸湯下空心服如用消導飲食降心火可加沉香五錢

宣氣散濟生方 治小便不通腹臍急痛

甘草 木通 各三錢 梔子 二錢 葵子 滑石 各一錢

右為末每服半錢灯心湯食前

木通散濟生方 治小便不通小腹痛不可忍

木通 滑石 各一兩 黑牽牛 頭末半兩

右咬咀每服一錢小半鍾灯心十莖葱白一莖煎三分食前服

八珍散聖惠方 治大人小兒小便不利或不通

大黃 木通 去皮滑石 粉草 瞿麥 山梔子 黃芩 荆芥 各等分

右為末每服一錢薄荷湯調下小兒減服食前

草蜜湯 治心腎有熱小便不通

生車前草搗取自然汁半鍾入蜜一匙調下

一方 治膀胱不利為癃上者小便閉而不通

八正散加木香 方見淋類

一方 治小便不通臍下滿悶

海金沙 一兩 鴈茶 半兩

右為末每服三錢生姜甘草湯調下

本方治心... 卷十一

一方 治膀胱有熱小便不通
用撲硝不拘多少研為末每服二錢空心以茴香湯調下妙

琥珀散 治老人虛人小便不通

用琥珀為末每服一錢以人參茯苓煎湯調空心服或煉蜜丸如梧子大每服十九赤茯苓湯下

一方 治小便不通

鷄子中黃一枚服之不過三

一方

用炒鹽熱耐小腹冷復易之
或以食鹽炒熱放溫填臍中却以艾灸七炷即時通尤妙

一方 治忍小便人致胞轉

自取瓜甲燒灰米飲服之

一方

取陳久筆頭一枚燒為灰和水服之

一方

用酸漿草搗汁入蜜同服

一方

用竹鷄草一兩洗淨車前草一兩同於砂盆搗爛加蜜少許無蜜加鹽少許取汁空心服小便自

通竹鷄草其葉如竹葉花翠藍色

四物湯 見補損

二陳湯 見痰類

小便不禁

丹溪心法

○小便不禁者屬熱屬虛 熱者五苓散加解毒虛者五苓加四物 戴云小便不禁出而不覺亦者有熱白者氣虛也

附諸賢論

王節齋曰小便不禁或頻數古方多以為寒而用溫澁之藥殊不知屬熱者多蓋膀胱火邪妄動水不得寧故不能禁而頻數來也故年老人多頻數是膀胱血少陽火偏旺也治法當補膀胱陰血瀉火邪為主而佐以收澁之劑如牡蠣山茱萸五味子之類不可用溫藥也病本屬熱故宜瀉火因水不足故火動而致小便多小便既多水益虛矣故宜補血瀉火治其本也收之澁之治其標也

附諸方

茯苓丸 三因方治心腎不足精神恍惚小便淋瀝不禁

赤茯苓 白茯苓 各等分

右為末以新汲水拔先澄去新沫控乾別取地黃汁與好酒同於銀石器內熬成膏搜和丸如彈子大空心鹽酒嚼下一丸

桑螵蛸散 治男子小便頻數如稠米泔色此由勞心焦思得之有服此藥不終劑而愈

治小便遺失

阿膠 炒成珠 牡蠣 鹿茸 酒炙 桑螵蛸 酒炙 各等分

右為末糯米糊丸如梧子大每五十九空心鹽酒下

六味地黃丸 治內虛熱者小便頻數不禁

本方加牡蠣五味子 見補損

家萆子丸 三因方治大人小兒下元虛寒小便不禁或成白濁

家萆子 炒六兩 鹿茸 酥炙四兩 菴蓉 酒炙 牛膝 酒浸熟地黃 當歸 各二兩 杜仲 去皮炒

石斛 去芦 乾姜 炮 桂心 各一兩 鬼絲子 酒浸已乾 去心 各一兩半

右為末酒糊丸如梧子大每服一百丸空心鹽湯溫酒任下小兒須作小丸服之

五苓散 見中暑

解毒散 見溫熱

四物湯 見補損

寧遺 五十八

丹溪心法

○專主乎熱 帶下與脫精同治法青黛海石黃栢 內傷氣血虛不能固守常服八物湯加減吞

樗樹根丸 思想成病其病在心安神丸帶補藥 熱則流通知母黃栢蛤粉青黛為丸 精滑專

主乎濕熱黃栢知母降火牡蠣粉蛤粉燥濕

戴云因夢交而出精者謂之夢遺不因夢而自泄精者謂之精滑皆相火所動久則有虛而無寒也

入方

良姜 三錢 燒灰 黃栢 二錢 燒灰 存性 芍藥 二錢 燒灰 存性 樗樹根皮 一兩半

右為末麩糊丸梧子大每服三十九空心茶湯下

附諸賢論

王節齋曰夢遺精滑世人多作腎虛治而用補腎滋精之不效殊不知此證多屬脾胃厥酒厚味痰火淫熱之人多有之蓋腎藏精精之所生由脾胃飲食化生而輸歸於腎今脾胃傷於濃厚濕熱內鬱中氣濁而不清則其所化生之精亦得濁氣腎主必藏陰靜則寧今所輸之精既有濁則氣則邪火動于腎中而水不得寧靜故遺而滑也此證與白濁同丹溪論白濁為胃中濁氣下流滲入膀胱而云無人知此也其有色心太重妄想過用而致遺滑者自從心腎治但兼脾胃者多要當審察

附脈理

脈訣舉要曰遺精白濁當驗於尺結扎動緊二證之的

附諸方

固精丸 治心神不安腎虛自泄精

知母炒黃柏酒炒各一兩牡蠣錢龍骨二錢芡實 蓮蕊 茯苓 遠志去心各三錢

一方有茱萸肉三錢

右為末煮山藥糊丸梧子大硃砂為衣服五十九

小鬼絲子丸和劑方治腎氣虛損自眩耳鳴四肢倦怠夜夢遺精

石蓮肉二兩鬼絲子酒焙五兩白茯苓焙一兩山藥一兩內將分半打糊

右為末用山藥糊搜和丸如梧子大每服五十九空心溫酒鹽湯任下如脚膝無力木爪湯下

威喜丸和劑方治丈夫元陽虛憊精氣不固小便白濁餘淋常流夢寐多驚頻頻遺泄婦人白濁白帶並皆治之

帶並皆治之

黃蠟四兩白茯苓去皮切塊用猪苓一分於器用同煮二十餘沸取出日晒不用猪苓四兩

葉氏定心湯簡易方 理心氣不足 榮血衰少 精神恍惚 臺中失精

人參三兩 白茯苓去皮 黃芪炒 茯神三兩 厚樸姜制 川芎 赤石脂 研 白朮 各二兩

紫苑茸 防風 甘草炙 各一兩 麥門冬去心 兩 半官桂 半兩

右咬咀每服三錢水一鍾赤小豆七十粒煎六分食後服

金櫻丸 治精滑夢遺及小便後遺瀝

金櫻子 鷄頭實 各一兩 白蓮花澁 龍骨煨 各半兩

右為末糊丸梧子大每服七八十九空心鹽酒下

白羊肝丸 治遺精

用大半夏八兩剉片猪苓四兩為末拌炒黃色去猪苓却將半夏為末用白羊腎兩對去筋膜無

灰好酒煮爛搗為泥和半夏末為丸如梧子大晒乾將猪苓末炒熟拌和藥凡安於磁器內蜜封

養藥每服三十九猪苓煎湯送下

秘元方 治精不禁危急者

龍骨酒煮焙乾為末 靈砂水飛各一兩 砂仁 半兩 訶子小者 煎灰炒取肉半兩

右為末糯米糊丸如菜豆大每服十五丸加至三十九空心溫酒下臨臥熱水下亦可

一方

靈砂二兩陽起石火煨通紅 砂仁 訶子肉 各一兩 白茯苓 牡蠣雌雄各半 麥門冬錢半

右為末糯米飯丸空心酒下一十九要通飲葱茶半鍾即行如無陽起石以龍骨代之亦妙

鍊鹽散 治漏精白濁

白鹽不以多少入磁石器內按 黃泥 白茯苓 山藥炒 各一兩

封固火煨一日取出鋪陰地一宿

右為末入鹽一兩研勻棗肉和蜜丸如梧子大每服三十九空心棗湯送下

桑螵蛸散

治小便白濁夢遺失精

見赤白濁

八物湯

見補損

樗樹根丸

即因腸丸

見婦人

○廣按精猶水也靜則位安動則妄行何以言之左腎所藏者精也真水也右腎所藏者氣也相火也夫夢遺精滑之症蓋由人之思想過度以動心心火火君也君火動則相火翕然而動所以激搏真水而踈泄也其為熱証明矣古方往往以為寒而用熱燥之藥積薪救火難矣哉今俱錄其稍可者以為救澁滑脫之用亦所謂劫劑也中病則已不可過服况龍骨最能涸津液右過服之晚年發燥熱之所由也慎之慎之或曰精泄已久則為寒矣古方用熱藥豈以是乎子曰不然夫精屬陰也火屬陽也陰精虛而陽火愈熾矣經云陰虛生內熱未云陰虛生內寒也